



150.5 - Muskoki

GUACANAGARI	PONTIAC	BLACK HAWK
MONTEZUMA	CAPTAIN PIPE	KEOKUK
GUATIMOTZIN	LOGAN	SACAGAWEA
POWHATAN	CORNPLANTER	BENITO JUAREZ
POCAHONTAS	JOSEPH BRANT	MANGUS
SAMOSSET	RED JACKET	COLORADAS
MASSASOIT	LITTLE TURTLE	LITTLE CROW
KING PHILIP	TECUMSEH	SITTING BULL
UNCAS	OSCEOLA	CHIEF JOSEPH
TEDYUSKUNG	SEQUOYA	GERONIMO
	SHABONEE	



TO PERPETUATE THE HISTORY  
AND DEVELOPMENT OF THE  
PEOPLE REPRESENTED BY THE  
ABOVE CHIEFS AND WISE MEN  
THIS COLLECTION HAS BEEN  
GATHERED BY THEIR FRIEND  
EDWARD EVERETT AYER

AND PRESENTED BY HIM  
TO  
THE NEWBERRY LIBRARY  
1911











COME TO JESUS.

CESVS A OH VTES.

ERKENVKV HALL

*show change*  
COYVTE, MOMEN

W. S. ROBERTSON, JOHN McKILLOP,  
REV. DAVID WINSLETT,

ESYOMAT MVSKOKE EMPUNVKV OHTVLECICET OS.

PUBLISHED BY THE  
AMERICAN TRACT SOCIETY,  
150 NASSAU-STREET, NEW YORK.

1758

Print  
Rev



X

24



Come to Jesus. Creek.



Jesus in Jesus Christ

6

COME TO JESUS.

---

CESVS A OH VTES.

ERKENVKV HALL

COYVTE, MOMEN

W. S. ROBERTSON, JOHN McKILLOP,  
REV. DAVID WINSLETT,

ESYOMAT MVSKOKE EMPUNVKV OHTVLECICET OS.



## CESVS A OH VTES!

---

Em apohicvs, naorkv toyetskat. Heyv huehketv estomahet omes. Hesaketvmese opunayet, cemen cem punayet os. Erket, awvkes, maket os. Eppucet, awvkes, maket os. Puyvfekcv Vcakat, awvkes, maket os. Puyvfekcv herakateu, momen naorkvlke sulket heyv huehketv enake hayepvte, em punkvv etohkalet, Cesvs a oh awepvks, maket os. Heyv nakcokau vnokeckv omvlkv kerkusen sec'ohyekcicet, Cesvs a oh awvkes, maket os.

Yvmv ekvnv arof, este en naorketv kerruset, merretv es fvcket, nettv hvmken este sulkat oh vfvnnaket em merruset, "Vtotke cen honhoyvkat omvlkvv vcoh awvkes, momen fekepkn ce'mvkares," makvtes. Maro 11:28. Mv makvte hiyomis maket os. Huehketv mv nettv este emvte, cemeu ce'met os, naorkv toyetskat, "A vc oh vtepvv." Naorketv es cen honneko? Aeha! munkv Cesvs a oh vtepvv, momen fekepkn eshecetskvres. Cesvs a oh vtes. CESVS A OH VTES.



## CESVS A OH VTES.

Fekepkvn maket os. Momis puyvfekcv en fekepkv ena en fekepkv 'sen heret os. Holwaket os svlvfke haketv, hihket, catet, vtotketv; momis Este-nekricv en svlvfketvt holwake mahes, vker-rickv holwaken, efeke nokken svretv. Heyv em fekepkv hecikekos, Cesvs a oh awekon omat. Aeha munkv Cesvs a oh vtes, momen naorketv omvlkvn cem vkueyvres. Elkv nettv, ohfvtceckv nettau en ce penkvlet ome haks? Vtes, momen mv nettv hesaketv afvcketv vliceat tares. Mv cen huehkat yekcetv ocet omet, cem vnicetv vkv-svmes. Elawusat hompetv em oces, estemerrateu enakocen em oces, momet hesaketv eyuksv sekon omvlkvn em oces. Yvmv ekvnnv oh arof, vpohv torhecekot Cesvs hoyanen pohet, "Vm merrvs, vm merrvs" kicvtes. Cesvs a en huehket, em merrvtes. Naorka, cemeu cem vhlvpvtkekvs, matat cen huehket os. Mv torhecekat em vtctv vkayvte etvpomen, cen naorketv vpvlattet, nake cem vnvttecat omvlkvn ropottet, Cesvs ele tem-pen tvklatket, vm merrvs kicvs. Cv hecekot, cv sumkes, vm vnicvs. Naorkv rakke toyetska? Mome mah vtepv. Vkerrickv holwake ocetska? Mv vkerrickv a svtes. Efeke holwiyece ocetska? Mv efeke a svtes. Nake em vnokeckv es heckuecetv ocetskeko? Cvto-konawv ocekot vtes. Este vcakat, estemerrusat, pucase tis, svlvfke tis, vcu-

lat, mvnnettat este-catet, este-hvtke, momen este-lvste, naorkvlke vtekat awepekvs.

“ESTOMEN VTVRANI HAKS?” NAORKV TO-YETSKES, NAORKETVN EN KVPVKVRET VTES.

Naorkv toyetskat kerretskekis omes. Vpvlwv sen holwvkvkos, momis sulken sen heriyes kometskis omes. Uehome-eskv, horkopv, momen hoktarv toyetskeks. Momis Nettv-cakuce vca-yet~~et~~, momen mekusvpkv-cuko ayetskes. Momis ahakv omvlkvn vfvstetskv~~t~~et ome haks? Hvm-kusis kv~~c~~etskvte seko haks? Estofis fvtcet, em-vhlvpatkuset, este encakusetska? Estofis ekv-svmkv, cvpvk~~k~~etv, este emvkerretv ocetskeko? Efeke fvtcen Hesaketvmese komet os, momen pum vkerrickv omvlkvn kerres. Naorketv ce feke ofv ocetskeko? Ahakv enhvteceskv momen rakke mahat tes pun Hesaketvmese pum vkerrickv momen pun yekce omvl' es vnokecetv. Heyv estofis momecetskv~~t~~ haks? Estofis afvcecicat em mekusapet, en nettv, em estvlke, em mekusvpkv ofv afvckat, estofis mv hvsvtkat ome haketvn komet, em fvtcetvn kerkuecet vpvlwv vnokecvkvren, momen nake omvlkvn es afvcecicetvn kometske haks? Heyv estofis momecetskv~~t~~en omat, nake momecvranvtet momecet ometskes. Momis momecetskekos cem vkerrickvt ce kices. Kerrets-kes naorketskvte cukpe-rakko sulket omes. Ker-

retskes ceme cem afvcketvn hopoyet, cem vker-  
rickv herakat ofv Hesaketvmese afvcecicetv ko-  
metskekos. Cemetat e afvcecicet, Hesaketvmese  
vkerricetskekos. "Este hunvnwv holwiyecvkos  
maken omat, e emvkerres," Nakcokv-rakko ma-  
ket os. Fvtcat hvmkis sekos. Naorkv toyetskes.  
Naorketv rakket ec'oh vtarkes. Hesaketvmese  
en nakcokv ofv cen naorketv omvlkvt escokes.  
Estomet e en kvpiyecicetskeko tetayes. Ohrolo-  
pe cukpe sulken vtotketskis, naorketv contkuisis  
e en kvpiyecicetskeko tayes. Mucv-nettv em  
vhuere feketskis, pvksvnke enake em munkuset  
oces. Momen nake ocetskat omvl' wicket, ena en  
nokke, elkv tis eteropottetskis, holwiyeckv vkue-  
yiyekos. Nettv hoyvnepat afulikekos. Momis  
naorketv en kvpvketv en-rahkv sekot, esfvcket,  
eyuksv sekot, naorkv em oces. Cesvs naorketv  
en kvpvketv cem oces, naorkv toyetskat, eme e  
catv es nesvtet. Mvn komet, vtes. Mvn komet,  
Cesvs a oh vtes.

#### HESAKETVMESE CVPVKKET OS—ATET ETEN- HERKEPVS.

"Hesaketvmese holwiyecvlke nettv omvlkvn en  
homeces," Nakcokv-rakko maket os. "Holwiyec-  
kv vtotkvlke omvlkvn en homecet os." Momen  
Hesaketvmese cemen cen homece tetayet omeko  
haks, holwiyeca? Mvt hesaketv ce'met, ce hesa-

yecet, nake cem vhlvpvtecicat omvlkvn cen hec-  
 kuecet os. Momis ce hoses. Em ahakv cem  
 onayvtes, momen heyv omvlkvt cen hervre vrah-  
 kv tes, momis mos kometskekos. Hesaketvmese  
 vrakkuecekot, momis nake mv omat seko omecet  
 aretskes. Cerkvlke momecet vrakkuecetskekon  
 omat, herekos, vpvke vretv tis ce yacekot, nake  
 ce kicakat tis em apohicetskekon omat. Hesa-  
 ketvmese nake makan em apohicvs. "Aeha!  
 Hvlwe-tvlofv toyetskat pohvs! momen Aeha!  
 yvmv ekvnv toyetskat cem estomahekvs! hopoe-  
 take vfastet rakkueciyvtes, momen vc vnrvpaket  
 os." Erke eppucen vnokecusat etvpomen, Hesa-  
 ketvmese vnokeckv es fvcket os. Momis cen  
 holwiyeckv vrahkvt e feke en nokkicet os. Mvt  
 ce Hayvtet, cem Mekkot, fvtev ec' Ohfvtecvts,  
 momen holwiyecvlke omvlkvn estemerricvranat  
 tvlkuset os. Vnrapvlke erke encakusat omekot,  
 momis mekko cvpvkke omet os. Cen homeceton  
 omat, cemet cem momet omes. Cemet momen  
 hayetskes. Cen naorketvt cen Hesaketvmesen  
 ce'tekvpicvket os. Holwiyecv toyetskat, naor-  
 ketv en kvpvkekot aretsken omat, en cvpvkket  
 ec'ohfvtev hiye emunkvt omes, momen estomet  
 en kvpahket em ehiketskekos. Estvmvn arets-  
 kat mvn aret, cvpvkket os. Nene oh aretskat  
 ece'paket, wakketskateu ece'hueret cvpvkket os.  
 Mv komaten hesaket aretsket os. Aeha naorkv

toyetskat, Hesaketvmese cen homecat yvmv ekv-  
nvt cen homecen omat svmomuset omes. Cen  
hesaketv estomahet os ! “Hesaketvmese en cv-  
pvkkt ec’oh fekhunnet os.” Penkvkke estvmahet  
os, wakkvkof, momen alikvkof, estvmvto estomen  
aret, naketon celayvkis Hesaketvmese cvpvkkt  
os, kometv. Momen Aeha, Hesaketvmese cvpvk-  
ketat kerre, momet ohfvtceckv ehomv erhuerv-  
kis cvpvkkt omvranen kerrvkat penkvkkt os.  
Cen hesse haketv vkvsamuset os. Eppuce ato-  
tat, “Hesaketvmesen etenherkvkes” maket os.  
Mv Atothoyvten ce feken emet, mvn vfekrakkets-  
ken omat, heyv cvpvkktv omvlkvt fekhunnvres.  
Aeha momekv, Cesvs a oh vtes. Hesaketvmese  
en homece monkekot, momis en hesse hakvs.  
Momis vketecvs, Cesvs etv huerihcetskvs ; “Es-  
timvt Eppuce” a oh vtekot “oh vkvsvmekon  
omat, hesaketv hehcekos, momis Hesaketvmese  
en cvpvkkt oh fekhunnes” maket os.

#### TOTKV-RAKKO CEM EHAKES—VTES HESAKE- PETSKVRET.

Totkv-rakko nak’ onvkuce tokot os. Plestvlke  
opunvkv haye este es penkvlakuecat onkot os.  
Nakcokv-rakko Hesaketvmese em punvkvt me-  
henwat etvpomen, “holwiyecvlke Totkv-rakkon  
seceyvres, momen tvlwv Hesaketvmese ehosa-  
kvte omvlkvt sohceyvres.” “Este ahvmkv pv-



svtkvranen em mellvkvtet os, momis er topvrvn ohkerkvrane os." Momof este omvlkvt nake vfstvte e ohkerkuecvranet os. Momof naorkvlke omvlkvt Cesvs a oh awe en naorketv e en kvpicvkekate Ohkerkuecv akvskvvn svpvklecvres, mont heyv opunvkv sehoneckat kicvres, "Kvpvkvks, ohtvhikvke toyatskat, totkv em eyuksv sekon sohceyvkes, Este-nekricv momen em estvlke em etetakuecvkvte ocan." Aeha ! estimvt mv estemerkv oh onvye taye haks? Svnvcomv nettv en hiyayvke herat sekares, svnvcomv cen hesvylke em punvkv herakusat sekares, svnvcomv ekvnv em afvcketv, momen naorketv em afvcketv sekares. Este enakov en nakocetv esahyekos. Este afackv em afvcketv esahyekos. Cem vkerickvt ce naoricvres. Naorketskvte tis kerkvres, momen cem etektvnke tehoyanat hiyomat em eyuksv sekon ayepes. Aeha ! mvt hvmkvteket rafulkate ! Aeha ! nettv-cakuce hvmkuisis rvlakate ! Momis momof hoyvnepvres. Yomucke, holwiyeckv, estemerkv, elkv estofis emunkv tares. Cesvs opunvyecat "ahhvse totkv tohottoplane sete nokre munkv, yomuckofv, hvkihketv, enute setetekketau—en cuntv elvte seko, en totkau vslvte sekan—holwiyecv enake-ocv estemerkv ofv tvklike, ahvkihkat 'Lisvle atohtetsken, enke-wesakv e yuksvn uewvn aktekkehyet, cv tulaswvn vn kvsvppuecekvs, heyv fenke ofvn cv'stemerrekv'

makvten," kicet os. Mvn svholwakat svholwake emunkvres, momen "em estemerkv em ekkoco estofis kvwapke emunkvt omes." Heyv opunkvv kerkuecat emuntvle estemerkv oce haks? Mun- kv, penkvleke estomahet os, estemerkv tvkliketv! Naket mv emuntalat oce haks? Momen holwi- yeev en holwiyeckv en kvpvkekat vtekat mvn ayet os. Ceme, heyv nakcokv hecetskat, holwi- yeckv cen kvpvkekon omat, mvn ayetsket os. Hvse-vkerkv hoyanat vtekat ec'oh vwolicet os. Ayvkhvmkv mvn eroretsken omat enhonrkv es- tofis sumkepet os. Momis mv em vnvttetpetv seko haks? Henka, hvmket ocet os, momen mv tvlkuses, Cesvs ohletketvt. Estemerkv en kv- pvke este hesahuecat vlaket omvtes. "Hesake- tvmese yvmv ekvnv vnokecusat vrahkv, Eppuce hvmkusat wiyvtes, estimvt mvn oh vkvsamen omat, estemerriyekos, momis hesaketv eyuksv sekon epoyepvres." Vtetskekon omat, naket ce hesayehcekos. Momen atetsken omat, hesakets- kvre naket cem vnvtttehcekos.

VKERRICKV EM VHLVPVTKETV MV VRAHKVN  
VTES.

"Holwiyeev emvhlvpvtketv ohcekos" Hesake- tvmese maket os. Holwiyeevleke em vhlvpvtkv- ke ome sases, momis vkerricetv e yacvkekat vrah- kvn omes, vkerricvkekos. Momis mv vkerricvke-

katton omat emvhlvpvtketv kicesko tetayet os. Perro uewvn aksumken estet oh piket, em penkvketv vketecekat etvpomaket os. Monkat esnesv tis e nakoce yvmahken heces, momis em vhonekvtkv oh vketecekos, em vkerrickvn en naorice sem momet. Matvpomen holwiyecv naket hereko sem momes, momen vc afvckekeko hahkes komet, Hesaketvmese momen eme em puyvfekev vkerrickv vkueyicet os. Momis holwiyecv vtekat vkerrice oces, momen momof en holwaket omes. Elkvt vnakuecv e hutten en cukopericet, monkat eme e hute tis eceyet, monkat eme tis oh vlaken omof, momen vkerrickv em vlake sulket omes, "Hesaketvmese cvpvkkes, vm puyvfekev penkvke ofvn oces, cv'lvre vm etetakekos" komes. Momen mv vkerrickv em afvcketv em vhopanet os, momet nockau em vnvttcet os.

Holwiyeckv en kvpvketskekon omat, cem vhlvpvtikekos. Yvmv ekvnv em afvcketv eshecetskes, naorketv ohvtvlaken vfastet vkerrickv es sumecicetvn kometskes, momis ece'fvcikekos. Momis Cesvs a oh awayof, holwiyeckv omvlkvn pum vkueyes. Momof pun holwiyeckv pu feke nokken es vkerriceyes, momis penkvke vkerriceko tetayes. Hesaketvmese, "Cen holwiyeckv svnvcomvn vkerrihcvkos," pu kicet os. Em mvtteciceyat omvlkvn vslecet os. Era topvrn vpvlatet os. Ohvttceckv nettv omof a onahoyekares.

“Esfvcken pum merrvres.” Hiyomat vnokeckvn es pu hecet os. Em penkvleko tayet os. Pun hesse epu’nokēcusat etvpomen, em enhonreyvren pu kicet os. Atvme em ehkvte omekot, momis Tewe mv ofv ehkvte omen, “Cemet vm ehketv toyetsks,” makvte, Aeha, emvrahketv afvcketv rakkes! Holwiyecv toyiye emunkes, momis naorketv vn kvpaken, etenherkepin, cv hesakes. Momen nake penkvlvken vkerrickv vm onayis, Cesvs, “Cen naorketv cen kvpakes, emvhlvpvtket vyvs,” maket os. “Emvhlvpvtketvn cem wikis, emvhlvpvtketv cvnaken ce’mis.” “Vkvsvmkv eteropotten pu fvtcvkvttet, Hesaketvmese Eppuce eteropotten pum vhlvpvtkvkes.” Naorkv ce’stemērrusate, emvhlvpvtketv en hopiyecetskvttet os. Yvmv ekvnv em afvcketv emvhlvpvtketv tokot os. Momen Hesaketvmese en horre toyetsken, cen holwiyeckvt honnet ce feken ohwetenke vtekat, naket emvhlvpvtketv ce’hmekos. Momekv Cesvs a oh vtes. Mvt emvhlvpvtketv hayet este’met os. Holwiyeckv en kvpvketv mv eteropotten hopoyvs, momen kerretskvres “Hesaketvmese em emvhlvpvtketv kerkeko tayuses” make ocan.

#### EFEKE MUCVSEN KOMET, VTES.

“Svnycomvn heckvranetsket os,” Cesvs Neko-temvsen kicvtes. Yvmv ekvnvn fulleyof, Hesa-

ketvmese em mekusapet, mi hvlwe tvlofau es afvckeyvre emvrahketv rakkēt pum vkerrickv ofvn ocvrānet os. Naorketvt Hesaketvmese ker-rēkon pu hayen, vnokecēkot os. Mekusvpkv mehenwat es epu'fvckekot os. Heyvt "vpeswv em vkerrickvt omet, mvt elkvt." Naorketvt omecicēn nake en homecvkvte em en here, nake em en hervkvte en homecetv mvrāhketv rakkēt omet, ahesaketvt omes. Mvt svnvcomv hecketv tes. "Mehenwusen, mehenwusen, ce kicis, estet svnvcomvn hecket omekon omat, Hesaketvmese em etvlofv hehcekos." Naorkv svnvcomv hecketskekat, estomet Hesaketvmese en liketv eroriyes kometske haks? Mv eroretskis ece'fvcikekos. Fuswv hotvlen es afacket omes, wakau hiyakpon es afacket omes, momis rvroton omat, mv es afvcikekos, estemerret, elepes. Nake omvlkv estvmvt 'sen herat mvn ocvrane vlket os. Matvpomen vkvsvmekvlke mekusvpkv es afvckahkekos. Nettv-cakuce es naorvket omet, mekusvpkv em alostvkekot, mekusapvlke etohnvkaftateu em alostvkekot os. Momis hvlwe-tvlofv Nettv-cakuce emunkvt, mekusvpkv emunkvt, hvsvtketau emunkvts, em estvlkeu omvlkv fvtcvkes, momen em punvkv, em fulletv tis omvlkv Hesaketvmesen oh ayet os. Hvlwe-tvlofv afvcketvts hvsvtketon, Hesaketvmeset mvn likekv. Momis Hesaketvmesen vnokecekot, hvsvtketau vnokecetskēkon omat,



ece'fvcikekos. Momekv svnvcomvn ce heckekon  
omat, mv ecehyetskekos. Ceme ce feke etihcets-  
kekos, momis Hesaketvmese em Puyvfekcvt mo-  
meces, momen Cesvs Puyvfekcv emetv pun hec-  
kuecvranatet elet omvtes. Momen heyv emetv  
pu Hesayecv oruse em'pohat vtekat emet os.  
Momekv yekcen Hesaketvmesen em Puyvfekcvn  
em'pohet em mekusvpsv, svnvcomvn ce heckvren.  
Tewe em emekusvpkv Cesvs a 'soh vtes, "Efeke  
hvsvtken vc ofvn hayvs, momen puyvfekcv fvtcvn  
vc ofvn mucvsecvs, Acha! Hesaketvmese." Mo-  
men nake cem vñicvre, Cesvs pum merruse pu'mv-  
rane ocan vkerrievs. "Munkv ceme holwahokats-  
kisem, nake here cen hopoetakuce emetv kerrats-  
ken omat; Cerke take Hvlwe likat mah nake  
em'pohakat here emet omeko haks?"

CE'SEHPET ENAKEN CE HAYVRE VRAHKVN,  
VTES.

Este enake-ocvt, este estemerrvlke en hopoeta-  
kucen cahwet, enake omecet emahaye sases; he-  
yvt enake hayetvt omes. Momen Cesvs a oh  
awat Hesaketvmeset momecvret maket omes.  
"Cemet cvppucetake, cvtshustvlke toyatskvres,  
Hesaketvmese yekcetv omvlecat maket omes."  
"Enake haketv Puyvfekcvt pun heckekv, mv  
vrahkvñ hvkihhokeyat, Appv, Purke makeyet  
omes." Mekusvpkv ofvn Hesaketvmese "Purke

Hvlwe liketskat" kiceye tetayet omes. Yvmv ekvny, erkvlke hopoetake vnokecatat emuntvle-  
 cen heyv hopoetake enake hayepvte vnokecet  
 omes. Em mahayet, oh vfvnnaket, em vhlvpvte-  
 cicet, hompicet, vfastet omes. Estemerre, efeke  
 en nokhokat en hervre vrahkvn omes. "Este-  
 merkv em elecvn svpaklatsken omat, Hesaketv-  
 meset eppucetake ec'omecvkes; Hesaketvmese  
 estimvn vnokecatat, mvn estemerricet omekv."  
 Naked en hereko em ofv em vhlvpvtecicet omes.  
 "Erke en hopoetakuce em merrusat etvpomen,  
 Hesaketvmeset eme vnokecataten em merret  
 omes." "Mv hvmke etske em vhlvpvtecicat etv-  
 pomen, cem vhlvpvtecicares." Enokketv, nake  
 en sumke, estemerrat, nake naoricat omvkv es  
 en hervre vrahkvn ohtotet omes. "Hesaketv-  
 mese vnokecvlke nake omvkv es en hervre vrah-  
 kvn em momet omes." "Nake herat e yacvke-  
 kares." "Nake es en nokkicvret vnrvpuehocisem  
 ohfvnikelos." Naked en hereko, penkvke ofvn  
 svpaklofv, Erket vhueret omes. "Ce penkahla-  
 tes, vnet ce nesiyvtet omekv. Ce hocefkv es  
 cen huehkiyvtes, cvnake toyetskes. Uewv ete-  
 ropottetskofv, vnet ece'pakares; momen uerak-  
 kon aktiketskis, ec'oh laukahkekos." "Estofis ce  
 wkvkot, cen kvpahkvkos." Naked e yacat omv-  
 kvn Erken em onayakēs. "Nake komatskat  
 omvkv Hesaketvmesen en kerkucecvkes." En

hvkikhketv em apohicetv emetetake emunkvt omes, momen here em vfvstvire enkeu rvtoske emunkvt omes. Erke omet liketv em etetakuccet omes ; momis yvmv ekvnv ocat omekot, "vhopvnkeko tetayet, svholwakekot, momen en hvsvtkeko tetayet" omes. Aeha Hesaketvmese em estuce haketv afvcketv rakket omes ; "Hesaketvmeset Cvrketes" kometv ! "Vc vnokecet, vm merret, vc vhecicet omes. Nike holwakat en kvpvket hueris. Este holwiyecakat, momen puyvfekcv holwahokat vn nokkihcekos. Hesaketvmeset vm vrvnaketv-tot, estofis vc vnakuecuses. Momen nocvte sekot, hotosvte sekot, ehosvte sekot, emvrahkv hakvte sekot omes. 'Vnokeckv em eyuksv sekon es ece'nokeciyvtes' maket omes. Yvmv ariyofv estofis vc vnakuecusvres, momen respokof estofis vpakit likvranin cv'svres." Yvmv ekvnv en rakketv estomet heyv em etetayece haks ? Apohica, Hesaketvmese em estuce haketv ce yaca ? Cesvs a oh vtetsken omat, mometske tetayes ; "estoh-momuset enake hayat omvlkvn Hesaketvmese eppucetake haketvn yekcetvn emvtet omekv."

#### HVLWE-TVLOFV ECEYVRET, VTES.

Estemerkv holwiyecvlke emetetake ocet omekv, mv etvpomen Hvlwe afvcketvt Cesvs a oh awat omvlkvn em oces. Hesaketvmese holwiyecvlke vnokecat rakket omekv, Eppuce atotat es-

temerkvn en kvpiyecievre tvlkekon, momis ein eyuksv sekon afvcket heraket vpaket vpokvren omvtes. Vksamv elof, ena vhopvnkepisem, em puyvfekcvt ayvkhvmkusan Cesvs rvpakes, mvt "estvmahen 'sen heret os." Hvlwe-tvlofv Nakcokv-rakko pum oh onayat here estvmahet os. Enokketv, hvkihketau, elkau seko tvlofv omes, nake pu naoricet, pu feksumhuecvre sekot omes ; estemerketv, eten homecetau, nake este naoricvre seko emunkvt omes ; pu kicet os. Ena hopelkv rakvwapkat "hopvnkekot" omvres, momet ena nokkekot, hotoseko emunkvt omvres. Vculkv en nokkicekares, estofis emvnette munkvt omvres, momen este pu'nokecusat elkvt pum vkueyiyekos, elkv sumecihocvtet omvret okv. Ma res en herat, holwiyeckvt sekares, momis efeke omvlkv vnokeckv hvsatkusan Hesaketvmesen es vnokecaket, emeu ete'nokecvke tares. Omvlkv vpvlwv etohkvlke em afvcketv ofvn es afvckvkepvres, momen Hesaketvmeset vpvkvres. Este herake enhomv fullvte omvlkv vpvkvres, mehenwv vrahkv pv-satkvt. Hesaketvmese Eppuce vcvk-fullvlke, momen owalvlkeu. Mvn Hesaketvmese em estvlke hvsvthakusan etohkvlkeyvres, momen omvlkv res emuntalat Cesvs ena vrakkuecvkvte ofvn heceyvres, e torofvn en hecet, estofis Hesaketvmesen vpvkeyvres. Hvlwe-tvlofv en rakke kerkuecat, tvlofv en nene cvtokonaplaneton, en to

hopke ahauke cvto-konawvton, em atohopke lah-nuse, heruse es vhopayvkvttet os; tvlofv hvttce hiyayakuse teropotten, momen eto hesake esse este afvceciuse ocen, vtotketv rohyupv fekepkv ocan, Purke e hute liketv afvcke ocan. "Afvckettv en heckvres, momen efeke nokketv, hvkihketv omvlkvtt sumkvres. Afvckettv yuksv sekot" en heckvkvres. "E homv afvckettv esfvckes, momen em akvpera afvckettv emunkvts." Yvmv ekvnv em afvckettv herake mahat hofunekon sumeces. Enake-ocettv e tvrpvv hahyet, cvfeknetv, pun hes-svlke tis omvlkvtt sumeces, momen elkvtt nak' omvlkvtt ohcokes.

Momis hvlwe-tvlofv em afvckettv estofis emunkvtt, emunkvtt omes. Apohica, heyv hvlwe-tvlofv cenake hake tetayes. Cesvs ahauke vhecicv tes, momis holwiyecvlke omvlkvtt esceyvve tetayen hauweces. Cesvs a oh vtetskekon omat, hvlwe-tvlofv ecehyetskekos; mv tvlkuset ahauket okv. Momis vtes ce kicet os. Cen holwiyeckv mome estomis, Cesvs a oh vtetsken omat, hvlwe-tvlofv cenake tares. "Heyv vhesaketv opunvkv CEMEN a cen tothoyvtet os." Momekv hvlwe-tvlofv em afvckettv vrahkvtt, Cesvs a oh vtes.

#### CESVS ESTIMVT OME HAKS?

Heyv vpohettv rakke estvmahet omes, momis este fvtcv heren Cesvs oh kerrekon omat, "Cesvs



a oh vtes" make ocat heren halvhtekos. Cesvs Hesaketvmese tes. Yvmv ekvnv yoh heckeko munkof, em eyuksv seko vteken Hesaketvmese tates. Erke Hesaketvmese tat etvpomen, Cesvs Hesaketvmese tes. Heyv nake rakke estomahet omes, momis mehenwv rakkot omes. Nakcokv-rakkot kerkusen onayet omes. "Opunvkvn" kihocet omes. Momen Cane pun kerkuecat "Enhv-teceskv omof Opunvkvn tates, momen mv Opunvkvt Hesaketvmesen vpakvtes, momen mv Opunvkvt Hesaketvmese tates." Nake omvlnkv hayvtes, momen mvt sekate mv hakvte hakekates." Momen "mv Opunvkvt vpeswv hahket, epu'pakvtes." Momen Cesvs, e opunvyecat, "Eplvme sekofvn hueris," maket omes. "Ekvnv hocvckeko munkof en rakke oce Erke es vpakvtet" opunvyecet okvtes, momen, "Vne Cvrke tepakeyat humkuset os," maket pum onayat Erke en rakke en hiyayvke etvpomes pu kicet omes. "Hesaketvmese heckekat ahaket omes," "vpeswv ofv Hesaketvmese heckat tes," "mvt pvksvnke tis, mucv nettv tis, matvpome emunkvt omes."

Momekv Cesvs Hesaketvmese tes ; momet yekcctv, hoporrenkv, heretau es yukpokuset omes. Naken momeceko tetayat sahsekos ; momen emv-rahkv hakekot omekv, naken momecares makate, momecet omes. Tokvs, naorkv ce'stemerrusat, Hesayecv heyv oman ce yaces. Penkvlnkv rakken

cem vnvtttehocvren ce yaceton omat, este yekcetv ocen oh ayetskes. Estimvt en yekcetv Cesvs ome haks? Nake Hesaketvmese momecat omvlkvn momecet omes. Nake yekcvke, penkvke, epu'n-rapvlkeu ohfvnkeko tetayat sahsekos. Yekcetv ocetske seko estomis, en yekcet tetayes. Este hunvnwv yekcetv ocekon, momet Hesaketvmese em estvlken em enhonrvranetsket omekos. Nake hocvckvte omvlkv 'sen hvlwe Hesaketvmese yekcetv omvlecan em enhonrvranetsket omes. Mv 'sen kvncvpuset pu Hesayecvtot omen omat, pu penkvlvke tetayes. Momis mvt pu hesahuecv-ranen omat, pu penkvlvkeko tetayes, hvlwe-tvlofv yvmv ekvnau Ohfvnket omekv. Estimvt pun nokkice tetaye haks? mvt pum vnichen omat. "Hesaketvmeset pum vnichen omat, estimvt epu'n-rvpe tetaye haks?" Cesvs a oh awayat vpaken, en yekce, en hoporrenkv, en heretv, en hvsvtketv omvlkvn es epu'fastet omes. Hesayecv heyv omet ocen pu'stemerrikekos. "A oh awat vtekat hesayece tetayet yekcetv ocet omes."

#### CESVS ESTE HUNVNWV TES.

Hesaketvmese mehenwat etvpomusen, heyv mehenwet omes. "Hesaketvmese yvmv ekvnv encakusat Eppuce hvmkusat atotvtes." Momen Cesvs "Hesaketvmese etvpomet" omis, "vtotkv ome hakvtes, momet este hunvnwv en heckv ome

hakovtes." Ahakv kvceyvte ocan vfvstvraret,  
 estemerkv e en heckueceyvten estemerrvranatet,  
 este hunvnwv haket omvtes. Estimvt Hesaketv-  
 mese heceko tetayekv, mv em vretvn Hesaketv-  
 mese estomet omat es en kerreyvren, este hunvn-  
 wv hahket aret omvtes. "Estimvt vnen cv hecv-  
 tet omen omat, Cvrkeu hecvtet omes" makvtes.  
 Momet pu'stemerraten estemerrofvt, pum vnice  
 tetayet, este hunvnwv haket omvtes. Momekv,  
 Cesvs este hunvnwv omen vkerrievs. Vsvn este  
 elen es fulhoyes. Oye etshuswv hvmkusatton,  
 efeke nokkusen, vcvk ayes. Este hunvnwv es-  
 tomet hecat, em merriyet, oh ahyet, este elat ahe-  
 sayehcet, etske em wike tetaye haks? Mv hunvn-  
 wv vnoeckuse, yekcetv ocat Cesvs tes. Estimvt  
 hopoetakuce sulke em etenrawvn hueret, cawet  
 em merret ome haks? Cesvs tes. Estimvt, Li-  
 svle en hopelkv etempen hueret, hvkihket ome  
 haks? Cesvs tes. Estimvn enokhokat, estemer-  
 rakat, momen efeke en nokhokat oh pefatken em  
 wicecet, em vhlvpvtecicet ome haks? Cesvs tes.  
 Pu'ncakuset, pum merruse emunkvt omes. Este  
 hunvnwvtot, etecakketskat okv, em penkvletske-  
 ko tetayet omes. Mvt, "A vc oh vtes," ce kicet  
 omes. Naorka, mvn em apohiev. Mvt Hesake-  
 tvnese yekcetv omvlecattot, ce hesayece tetayet  
 omes. Cem penkvlvk, cem estemerretv, cen yek-  
 cetv seko hueretskat omvkvv kerret, cem merret

omes. Ce penkahlates ce kicet omes. Etecak-ketskat omet, ce'ncakuset hueret, vtes ce kicet omes. Cen hesse raket omes. Mos komeko ahretskvs. Em apohicvs. En yvmvskvn ce feken es celayeckvs. Nake momecares makvten em en-honrvs. Hiyomof Cesvs a oh vtes. Ce Hesayecv omen vkerricet, cem mekko omen em apohicets-kof, etecakketskat ece'wolicat es em vwolen ece-'nakuecvres.

#### MVT NAORKVLKE HESAHUECV TES.

"Cesvs Klist holwiyecvlke hesahuecvrane yvmv ekvnv vlakvte mehenwuset omen, e enake hayvkvre heret omes." "Mvt Mekkotot Hesayecv taranen Hesaketvmeset hvlwecvtet omes." Heyv tvlkuset yvmv ekvnv holwiyeckv es fvcke likan vlvkuecvtet omes. Momen estomet pu hesahuece hakes? Epu'yoposket hueret, estemerkv e en-cakkueceyvten estemerrattet omes. Ahakv kvce-yvtetot omisem, mvt esyukpokusen vfvstvtet omes. Mvt "hvsatkuset, esvholwakekot, est'en-nokkiceko tetayuset, holwiyecvlke en kvpvket" huervtet okv. Pun holwiyeckv vrahkv pu pvsvt-ke tetayuset omes, momis mvt pum elvtes. "Sul-ke vrahkvn en hesaketv wiyvtes." Tvhiketv em elecvn svpakleyvtes. Momis "mvt epu'rahkvn oh tvhikvkvte hakvtes." "Eto oh vtarkofvt pun naorketv e oh wikkvtes." Heyv vrahkvn este

huvnwv haket omvtes. Heyv vrahkvn vnrp-  
hoyen, Kersemene cvpofuce ofvn hihket, em mes-  
kat catet cvfcaken, oh tofket, eto-fvske es kv-  
topuecet, eto-teweklepkvn svrahet omhoyvtes.  
“Sulke vrahkvn en hesaketv wiyvtes.” Svlvfke  
toyen—pucassekon pu hayvranet vlaket omvtes.  
Momis enrahkv fekat, e catvn es feket omvtes.  
Svlvfke toyet, pu pvsvtkvrnat tvlkuset svpak-  
leyof, Erke en liketvn wihket, yvmv ekvnvn vlah-  
ket, “holwiyeckvn en kvpaket em eyuksv sekon  
hesahokepvren vnet em elares,” makvtes. Mo-  
men hiyomat hvlwe-tvlofvn erorepet, likepes pu  
hesahuecvranet. Ep’oh vfvnnaket, em Puyvfekv  
em punkvv eteropotten pu’tempunayet, pum me-  
kusvpkv pum apohicet, pum etenherke munkvt  
likes. Momekv em elkv en hesaketv tepvken es  
pu hesahuecet omes. Epu’huere omvlnkvn feket,  
nake pu yacat omvlnkvn pu’metv em etetakuset  
omes. Oh vkvsvmakaten elkv en re en nokkice-  
ko tetayen, ohfvnceckv nettv omof estemerrvkeko  
tetayen svpaklecet omes. Naorkvlke em mvtvke  
omet ohfvncecv ehomvn svpaklvraneyet omes,  
momis, “Cesvs vm elvten oh vkvksamis,” makeye  
tetayen omat, cen naorketv cen kvpakvken, ce  
hesakvke tetayes, makvres. Apohica, “naorkv  
ce’stemerrusate, estemerkvn ayetske tetayuset  
omes, momis vnet vhesaketv enrahkv sekon sv-  
lvkiyvtes, cv catv es nesiyvtet. Ece’rahkvn eli-

yvtes. Ce hesayeciye tetayet omes. A vc oh vtes."

#### MV TVLKUSET HESAYECV TES.

"Vnet ayetv toyis, estimvt vnen cv tehoynekat Erke Hvlwe likat oh ahyekos," Cesvs makvtes. Cesvs a oh awayat tvlkuset holwiyeckv en kvpvkeye tetayes. Hesaketvmese em merkvmvln Cesvs em wikvtet omekv, mv tvlkuset holwiyeckv pun hvsvthice tetayet omes. Cesvs vfekrakkekofvt, Hesaketvmese em merkvenhonrat sases. Momis Cesvs vfekrakkekon omat, merkau e yacvkeko tetayes. Mv momakat ohfvtecv Hesaketvmese ohfvtecv cvpvkkt, totkv nake sumecicat omvres. Pum vtotketv herakat etawvt pu hesahuehcekos. Pum fulletv hervke mahat holwiyeckv tes, momet herake estomisem, pun holwiyeckv hoyvnepat pun hvsvtehcekos. Pume pum vtotketvt omecicen hvlwe tvlofv esceyeye tetayvten omate, estoman Hesaketvmese Eppuce elet omvt haks? Pume etawvt e hesayeceye tetayvtes. Ceme cem vtotketv herakat, cen heretv, cem fvtcetv em enhoniretskvs. Hesaketvmese Eppuce em fvtcetv momen em elkv tvlkusat ce hesayece tetayes. Uewvn es cv paptishoyvtet omen, Hesaketvmese em ohhompetv vfastit, Nakcokv-rakko oh onayit, Nettv-vcako vcayecit, mekusvpkv ayiyet omekv, cv hesakvres kome vker-

ricat sases. Heyv momecisem, Cesvs a oh awvte sekat, sulket estemerkvn tvkvpokes. Nake esto-mahen vfastet, mekusvpkv ayetskat tvlkusat ce hesayehcekos. Cesvs tvlkuset ce hesayeces. Es-emevpayv plest kicetv tistem em enhonrat sases, momis em mvtte estvmahet omes. Entisem hesayehocvre e yacet omes. Eme em puyvfekev tis hesayeceko tetayekv, cem puyvfekev hesayeceko tetayes. Cesvs tvlkuset naorketv pun hvsvtecet omes. Mv e catvt holwiyeckv omvlkvn hvsvtecet omes. Mekusapvlke hvlwe vpokat, hvlwe-este tis, momen Cesvs etske tis em mekusapat sases; momis em apohicvke tetayate estit kerre haks? Momen em apohicatet em puyvfekev en hesayece tetaye haks? "Este hunvntake Hesaketvmese em etenherkv hvmkus, mvt este hunvn-wv Cesvs Klist tes," Nakcokv-rakkot maket omes. "Momen etimv ofv hesaketv sekot omes, sutv elec v nake hoccfkv etv estome a hesakvke tetaye este emhoyvte sekokv." Momekv etv oh hehcats-kvs. Cesvs tvlkusen em enhonrvkes. Merretvn ocet es likepet, naorkvlke omvlkvn a vc oh awe-pvkes, kicet omes. Mv tvlkuset holwiyeckv en kvpvketv ocet omes. Cesvs tvlkuset pum vnice tetayofvn, estomen fekhunnet naorkvlken em punayet es e naoriceye tetaye haks? Estimvt cem oh onayvre ce yaceko tetayes. Este estemerruse, nake vpohocvtot, este enake-ocv tis, este lvstat,



este-hvtke tis, este nake kerrekat, este hoporrenv tis, em atcvke leshuset, vfusherakvn vtce, esto mis omvlkvn etetih hvmkusen en huehkvkvttet omes. "Ekvnv yuksvlke omvltkatskat, vnen a vc oh hecaket, hesahokepvkes," maket omes. Este hunvntake oh hecekot, cemeu e oh hecekot, Cesvs oh hecvkes, mv tvlkuset ce hesayece tetayekv.

#### MVT HESAYECV EPU'NOKECUSET OMES.

Hvlwe-tvlofv wihke yvmv ekvnv vlahke este-merke elvtet kerkuecet omes. "En hessvlke vrahkvn este en hesaketv wykecat, vnokeckv 'sen rake este hunvnwv ocekos," maket omes. Estomen hvlwe-tvlofv hvsatkusat wihket, yvmv ekvnv holwiyeckv es fvckan vlaket; puyvfekcv holwaho katet vnrvpvren, hvlwe-este en yvhiketv wiket; ohliketv herkv wiket, ena nokke cvporusen etoteweklepkv oh vtvrkvrant vlaket omvt haks? Vnokeckv tvlkuset omvtes. En hessvlke token, momis en horrvlken vnokecatet omvtes. "Naorkvlke toyeye emunkof, Klist pum elvtes." Nake heraken vfastet, este enokhokan cvfencicet, este estemerkakan etv vpeyecicekot, "naorkvlke en hesset" hueroftv em vnokeckv kerkuecvtes. Celuslme, en naorketvn hecet, em estemerketvt vwolicen kerroftv, oh hvkihkvtes. Elkv en nokke cvporusofvt, horkopv em vtvkhvke vtarkofv, em merruset em punayvtes. Momen mv svhaye

elecakateu svrvhecet em mekusapat, "Cvrke, em merrvkvs, naken kerrvkekot omakekv," kicvtes. Hvlwe-este sulken em vnicvre en huehke tetayvtes ; momis mvt elekaten omate, pu hesahokeko tetayvntos : momekv epu'nokecate vrahkvn, pum estemerret omvtes. Hvtvm rakvwapkepet omis, naorkvlke encakuse emunkvt omes. Vnokeckvt omecicen pum eten-herket, pu'ncakuset, em Puyvfekcv pum vnicvren atotet, pu hesayecvret, merretv ofvn pu mehaket omes. Ece'nokecet, cem elvtet omes ; merretv ofvn a ec'oh hecet, a vc oh vtes, ce kicet omes. Etvn huericetskvttet omisem, em vnokeckvt ce hesayecet hiyomat es ece'lakes. Em vnokeckvt ce mehaket emunkvt, hiyomat hvtvm, "holwiyeckv en kvpvketv cv catv es nesiyvten e enake hayepvs," ce kicet omes. Cuko-yekcv tis piketsken, cen hesset ce recvphoyvre enake ocvtc omvllkvn es sumecicen omat, monkat ce hesayecvranet en hesaketv es sumecicen omat, mv cen hesse mos komekot vretske tetaye haks ? Momis Cesvs heyv emuntvlen momecvtes. Estemerkv em eyuksv sekou en kvpahket, hvlwe-tvlofv estofis afvcket liketskvren, ce nesatet elet omvtes. A ec'oh atet, vnattvten ce hecicet, "hecvvs, naorka, ece'nokeciyvten ce'nokeciye munkes. Estemerkv momen naorketv en kvpvken ce hesayecaren a vc oh vtes," ce kicet omes. Acha ce Hesayecv merretv es fvcke likat etv huerihcetskvs. Vno-

keckv estomahe heyv ocat cele elecv hahyetskvs. Cen Hesse etv heyv omat hehcetskekos. Mvn em enhonrvs. Mvn vnokecv. Estofis cem mer-ruset cc'ncakusen eshecetskvres. Cem vhlvpvt-cicet, cem fiyatet, ecc'hecicet, yvmv ekvnv em estemerretv, penkvkv omvkv, elkv en re tis cen kvpiyecihcet, hvlwe-tvlofvn estofis afvcken ce hayvres. Aeha heyv ce Hesayecv ece'noke-cusan a oh vtes.

#### MVT EP'OHFVTCECV TARES.

“Omvkeyatet Klist em ohfvtceckv e homvn ersvpvklvraneyet omes.” Este hunvnwv e feke nokkuse yvmv ekvnv arvte, hvtvm Hesaketvmese rakket rvlkvres; momen “tvlwv omvkv e ho-mvn vtelokvres.” “Hecvkes aholocen vpaket vlakes; momen este e torwv omvkv hecvres, momen mv sekeyakvteu hecvkvres.” Oh vkvsa-mvlke afvceceice estvmahet omes. Mvn e enake hayvkepvttet omekv; momen em ohliketvn oh li-ken hecakofvt, afackakuses, en hesse here hesa-yecvrane opunayvtet ohfvtcecvranekv penkvlv-kekares. Momis e enake hayeko mos komeko fullvte em ehutke estvmahe tares. Mv en hake hiyomat “vnen a vc oh awepvkes” makatet, “vn kvpvkvkes ohtvhikvkvte toyatskat” make pohetv penkvke estvmahet omvres. Cuko-yekcv vpikvt ohfvtciyen elvranet ometon omat, este e kvncvpu-

ccuset omis, encakuset, e feke es nokkicuset en  
 cukopericen omat, ohfvtecvranof hesayehocvren  
 yekcen vtotkv̄tet, nake em momecat em onayet,  
 “vnen vm enhonretskāt ce hesakvres” kicet, cv  
 momecekvs kometsken omat, ce recvpiye tetayes  
 kicet, ec’ohfvtecvrane orofv, vnet ece’yoposkiyet  
 opunvyares. Este cen holwiyeckv omat hesaye-  
 ciyvte sulkes, cemeu ce hesayeciyēs. Feketv vpo-  
 hvkos, vnokeckv tvlkuset omecices. Cem vnicare  
 vkvsvmvs kicen omisem, cuko-yekcv vpikv na-  
 kcokvn oh onayepet, opunayepet, monkat nocepet,  
 em apohicekon omat, hvtn rvlake munkes. Mo-  
 mis cuko-yekcv vpikvt mv vlakaten em e yace-  
 kot, em vretvn es kerkuecat rvlake cv naorih-  
 cetskvs kicen omat, ohfvtecvranat oketv ohren,  
 cuko-yekcv vpikv ohfvteckv-cukon yescehoyen;  
 ohfvtecv̄t em atcvken vt̄cet likat en hesse enca-  
 kuse em vlakvnketon heces. Momis hiyomat em  
 punkv̄ yekce haken, en heckv penkv̄lketon he-  
 ces. Est’en hesse omet arofv em en herhoyekvn-  
 ke, momusen estohfvtecv̄ hakes. Naorka, em  
 ohfvteckv ohliketv oh likehpe ec’ohfvtecvrana-  
 tet, cuko-yekcv̄n vpiketske tetayusen, ce hesaye-  
 cetvn maket a ec’oh ates. Ece’yoposket hueyiret  
 ce hesayecv̄ret ce kicet omes. Hofunekon em  
 ohfvteckv e homvn er huervranetsket omekv, em  
 apohiceko ahretskvs. Cem Eten-herkv omen v̄fek-  
 rakketskov̄, ec’ohfvtecvranen e homv erhuerets-

kat, ce penkvlekares. Ec'oh tvhikvren ce yacekon omate, en huehketvn e enak' hayepvs. Cv feken ohceyvs kicvs, vn liketvn ohceyvs ce kicvren.

### CESVS ESTVMVN LIKE HAKS?

Cop opunayate, "Aeha estvmvn esheciye tetayat kerriyate, likate mahusan erohriyes," makvtes. Naorkv ce'stemerrusate, heyvt cem punvkvt ome haks? Cesvs eshecetv ce yacuset ome haks? Yvmv ekvnv oh arvte wihket, hvlwen ayepes. A oh awat vtekaten hesaketv yuksv sekon emvranet, mvn merretv ohliketvn oh liken hecetskes. Vyetv hopiye mahes kometskes, momis naorkv emekusapat vpakusen Cesvs pohet, em apohicet omes. Momis mvt kerretv yekce omen omat, heyv n kerrvs; Cesvs hvlwe tvlofv tvlken liket ome kos, momis yvmv ekvnv tisem hvmeccicet omes. Hesaketvmeset omepekv hvmkvn aret omes. Vcvk-fullvlke em punayate "estofis ece'pakvkares" kicvtes. Estofis epu'pakes. Cesvs vcvk-ayv enokkuset en cuko ofvn wakkisem, em vhlvpvtccievret vhueret omes. Ehkuse holwiyecev ahye en holwiyeckv em oh kerkuecat, e mehakuset vhueret, "emvhlvpvtket ayepvs, cen naorketv cen kvpakes," kicet omes. Mekusvpkv-cuko ofvton este sulke tis, nvcomuse tis nvkaftet vrakkuecet emekusvpaken omat, nake e yacakat e'mvre em ete-

takuset omes. "Estvmvn hokkoluset tutcenusis vn hocefkv ofvn etoh nvkaften omat, mvn vnet em etenrawvn hueris." Apohica, ece'wolicuses. Hiyome, ce torwv heyv nakcokv oh hecofv, ece'nakuecuset omes. Ce hvcko ofvn cem wvswakes. Hopoyetskvren ce kices. Eshecetvn ce yacusen omat, hofunen e mehahket, hopiye ayetskekisem, cem vpohetv e hvcko rem ores. Ce feken eceyetvn komet, ahauke vnafket vhuerekv, cen hesse ece'nakuecusat 'sem vwolen ece'wolicet omes. Estvmvn ayetske estomis, enke merretv es fvcken, enrahkv sekon a cem wiyet ece'cvk are munkvt omes. Cen hervre vrahkvn cen nene vnakuecuset, cem wakketau vnakuecuset omes. Fvtcetv em vtcetv hvtken a cem wiyet hvthiyvtke cen topvn vhueres; momen ohhompetvn vliketskofv, tvklike hesake ce hesayece tetayaten pvpvs, ce kices. Ece'nakuecuset omekv, a oh vtetv vliceetskofv hehcet, e sakpvn es cem vnicvraret a rvtoseces. Huehketskeko emunkofvn cem ayoposket, opunayetske emunkofv pohes, ece'nakuecuset omekv. Naorka, estvmvn aretske estomis, Cesvs mvn ares. Momekv tvlofv estomen, cen hueretau estomen, nettvtot, neretot, ce huten aret, vnrawvn, aretske estomis, Cesvs a oh vtetske tetayes.

“NAKEN OKE HAKS, CESVS A OH VTES MAKE  
OCAT?”

“Cesvs a oh vtes makate sulketot omisem, estomit vtiye tetaye haks? Hvlwen likes, momen estohmit mvn erohrit e tempunayiye tetaye haks? Estomis hvmeccicet omes mahoket omisem, hecvkokv, estomit oh ayiye tetaye haks? Yvmv ekvnv oh arvte omet aren omat, se naoricusiyis oh ahyvyes. Ayiye esfekvraniyat nake ocusiyat omvkv wiyiyit, vkerky sulkis ahyvyes. Vnrvpkv estomet cv fekhunnihcekos. Enokhokate em wicvkuecvre kome este sulkate vhepvkhece vpeyvte omit, ahyvyes. E homvn ertvklvtikit, em atcvken en hvlatit, monkat elen em otahkit, ‘Hesaketvmese Cesvs toyetskat, cv hesayecvs’ kihcvyes. ‘Cv hecekot, cv yekotketot, cvna nokketon vm wicecetskvren komit okvkos, momis holwiyeckvn vm wicecvs komis. Cv feke holwiyeckvn es enokkes. Estemerkv yuksv sekot vn hecke tetayen, Hesaketvmese en cvpvkke em elecvn hueris. Hesaketvmese cv hesayecvs, cv sumkes.’ Momis Cesvs epu’pvkekokv, estomen a oh vtetv kerrvks.” Apohica, heyv omvkv ce feke ofvn momecetskovf, Cesvs a oh vtetskvres. E homv ertvklvtike, em atcvke en hvlate, e tempunayetskat estoman ometske tetaye haks? Naken ce yacat en kerkuecatet ometskeko tetaye haks? Mometskekis kerres. Heyv’ se naoricekis, ce he-



sayecvre ce yacat en kerkuecetskes. Hece omet, ce feke omvlkusen 'svkerricet oh huehkvs. Este sulket em vfoloten vhepvkhecet oh ayvrane omet, vyvs. Este etorheceko oh huehkvte omen oh huehkvs ; "Cesvs, Tewe eppuce toyetskat, vm mervs !" kicet. Yvmv ekvnv oh arof fullakvte 'sen heret hueretskes. Hopiye heren vpeye svsakvtes. Este sulket em vfoloten vwoliceko tetaye sasvtes. Este etv sekis etetayusen, e enake hayepetske tetayes. Ce pohe tetayet estofis ecc'wo licet omes. Momen hecetskeko tetayet omis, eme ce hecet, naken ce yacat omvlkvn kerret, ce pohvte munkvt omes. Efeke Cesvs em vlostat mvt oh ayetvts. Pun naorketvn kerret, pun kvpiyecicet, pum vhlvpvtecicet, pu hesayece tetayes komet, pum vnicvren em'pohepet, mv tvlkuset pun Hesse omen vfekrakkeyat, mvt a oh vtetvts. E torofv en hecekot, em punkvv en hake pohekot omis, pohet, e torofau en heceye omet a oh vvvra neyes. Holwiyeca, cen holwiyeckvn en kvpvketvn komet emekusapetskat, "Cesvs cv hesayecvs," kicetskat, mvt a oh vtetv tes.

## MEKUSVPKV OFVN VTES.

Cesvs hecetskeko tayis, emekusapetske teta yekv, em punayetske tetayes. Heyvn momeceyvren Hesaketvmeset pu kicet omes. Hesaketv mese etempunvyetv nake rakke estvmahet omes.

“Vketecet, emekusvpvs.” Opunvkv herake etelvcvke herakusekis emekusvpetvts. Ce feke ofv vkerrickv contkuse ocepe es opunvyetskekat tis mekusvpkv tes. Mekusvpkv-cukon eccyiyofvt emekusvpares kohmetskvs, estvmvto estomen aretskis emekusapetskēs. Naorkvlke emekusapat Cesvs em apohicet emehake munkvt omekv, kerreko sahsekos. E hvcko estofis hauket omes. Mekkvke heceskvntot, hvtvm hecvkis, este nvcomuset em punayet omekv, em punvyetv yekcetvts. Momis estemerhoyuse estomis omvlkv estofis Cesvs emekusvpvkepe tetayes. Naken cem puyvfekv en hervre kometskat, emekusvpvs. Holwiyeckv en kvpvketvn, ce feke mucvsen, vkvsvmkvn, hvsvtketvn, emvhlvpvtketvn kometskis, emekusvpvs. Ehyperkuse emekusvpetskeko tetayes. Emekusvpkv yv omakat ayoposhokvres komvranetskat tvlkus. Hesaketvmese tis nake momeceko tetayat svsakes. Naorkeko tetayuset omet, naorkv emekusapat em apohiceko areko tetayuses, em apohicares makepvtet omekv. “Vpo-hatskof cen heckvkvres,” Cesvs makvtet omes. Momekv mekusvpkv vyckcvkes. Cv herekot, vn yekce tis sekos kometskis, emekusvpvs. “Hesaketvmese cv sumkvrane, cv hesayecvs” maketv tvlkusen maketskis, emekusvpvs. Mekusvpkv sevmunk hayvs. Estvmvn cen tvlkuse vretske tayat hopoyvs. “Emekusapetskof, cen cu-

kucen ecehyet, ahauken akhottvs." Nettv vtotketv vliceceko munken alihket, emekusvpvs. Hesaketvmesen ce feken em enramet, ce hereko, cen yekce seko, ce'stemerre hueretskat em oh onayvs. Cen naorketvn en kerkuacet, holwiyeckv en kvpvketvn vpohvs. Nakcokv-rakkon oh onayet, hvsvtketv mv opunayecan vpohvs. "Hesaketvmese, naken kerrvkos, vm mahayvs. Cv feke wvnhet omes, vn lowvcecv. Cem Puyvfekcv teropotten mvrahkvn cv hayvs. Cesvs a oh atet, oh vkvsamet, vnokecet, nake cv kicaten momecetvn vm vnics. Naorketvn vn kvpiyecicet, hvlwe-tvlofv em etetaken cv hayvs," kicvs. Momen vtotket, aretske estomis, ce feke nettv omvkvvn tewolusen Hesaketvmese vkvwapkekv. Ayoposketv lvpke heckekis, emekusapëtske munkofv, heckvranat tvlkuses. Puyvfekcv emekusapat sumikekos. Ce sumikekos, mehenwicuset Cesvs oh huhketskat, "Hesaketvmese vm merrvs, naorkv toyis," kicetsken omat.

#### MEKUSVPKV EN FEKHVMKETV OFVN VTES.

Nake hocvckvte holwiyeckv es fvcke pume omat mekusvpvre em etektvntkat estomahet omes. Nake toyeyat e vkerricet, Hesaketvmese vkerriceyat, pu penkvlakuset a oh vweye tetayes. Momis fekhvmketv ofvn, merretv em ohliketvn a vweyvren, pu kicet omes. Hesaketvmese vrakkue-

cekot, e kvncvpuecekot vweyvren okekos, momis Hesaketvmeset pum apohicvres kometvt, ep'oh fekhvmecicvren okes. Mekusvpkv ayoposhokat eskerkv sulket omes. Hesekiyv mekusapan, Senakelep em estvlke pvsatkvtes. Elicvt mekusapaten, totkvt hvlwe a hvtvpket nake ohnokrickv nokricvtes. Cesvs vcvk-fullvlke tate emekusvpakofv, Puyvfekcv Hvsvtkat a oh hvtaPKvtes. Mekusapvlket mekusapet vpokofv, Petv, cuko-yekcv pikat, Hesaketvmese em estet a ossicvtes. Nake vpoheyat omvlkvt pun heckvres komeko tetayes, nake pun herekis vpoheyet okv. Momis Hesaketvmeset nake pun hervre pu'mvres komvranevat tvlkuset omes. Momis holwiyeckv en kvpvketvn, hvsvtketvn, hesaketvn, nake pum puyvfekcv 'sen hervren vpohen omat, pum apohicvranat tvlkuset omes, eme komat vcvkayen nak' vpohen omat, pun heckvranen, pun kerkuecvtes. "Vpohatskof, cen heckvkvres," Cesvs makvtes. "Cv hocefkv ofvn naken vpohatsken omat, mvn cem momecvkares." Epu'rahkv emekusapes. Pum emekusvpkv herake mahat tis, Hesaketvmese em apohiceko tetayes, momis Cesvs vrahkv pum apohices. Mekko tis opunkv ohtotetsken, este ce kerre sekon, cem vtetv tis leshuset omen, ohhotcicetskat holwahoketon omat, vm apohicvr haks? kometskēs. Momis eppucet vlahket, "Vnet cem punkv soh ayit nake vpohat em momecvs

kicares," ce kices. Cesvs momecet omes. Pum emekusvpkun Erken soh ahyet, "nake vpohaten em momecvs," kicet omes. Naorkv hvkihke, ce feke cen nokkusate, afvckvs. Cen Hesse ocetskes. Cem mekusvpkv hereko estomis, Cesvs ece'rahkvn mekusapet omekv, cem apohihoce emunkvt omes.

## VKVSVMKV OFVN VTES.

Nakcokv-rakko ofv vkvsvmkv opunvyecat sulket omes. "Vkvsvmkv eteropotten pu fvtcvke hakes," momen "vkvsvmkv eteropotten pu hesahokes," momen "Hesaketvmese Cesvs Klist oh vkvsametskof, ce hesakvres" maket omes. Cv'lawusen, vn hesset nake amet tvklikets cv kicen, yomucke tis, ehsit hompin omat, mvt vkvsvmkv tes. Em punvkvn em vkvsamikv. Cv nokketon, heleswv cen hericvres cv kicet vmhoyen, eskin omat, vlekcv en nak' kerretvn em oh vkvsamikv, mvt vkvsvmkv tes. Este naorkv vrahkvn elvranet Cesvs yvmv ekvnv vlakvtes. "Vnen vc oh vkvsvmvs. Naorketv en kvpvketv esfvcen cen heckueciyvtet omekv, recvpket vrepvs. Cv catv mahusatet nesvtet omisem, enrahkv sekon cawepvs. Nake ce kiciyaten momecet, vc vhecicekvs kometsken omat, elkv estemerkv yuksv sekate en kvpvken ce hesayccares, heyv momeciye tetayet omekv. Heyv tvkliken papetsken omat, ce hesake munkv tares. Heyv heleswv cen payvfekv

em enokketv em wicecen omat, estofvn ce'hlekos. Vnen a vc oh vtes, momet vc oh vkvsametskof, ce hesakvres." Cesvs naken makat momecvres kometvt vkvsvmkv tes. Cesvs a oh vtetvt vkvsvmkv tes. Ece'rahkv elvten vkvsahmet, e enak' hayepvs. Cuko-yekcv ahauke cen hawecat, vkvsahmet, ossiyet hesakepvs. Cen sapokv kvwvpetv vkvsamuset omekv, oh vkvsamet cen naorke-tvn mvn oh wikvs. Ece'huere omvlkvn fekvtes. Afvckepvs. Hesaketvn es cem vlaket, "cemet kometsken omat, cenake hakepvres," ce kicet omes. Cenke arvtosehcet, ce feke afackusen esepvs. Este nake yvmahkuecv omet, ce huten en hopiyecetskvtes ; momis rafulketskvre Cesvs etetakueces. Mv vrahkvn Cerke, rafulkepvs, ce kicetv vkvsvmes. Mvn vkvsahmet, "akvwpikit Cvrke oh ayares" makvs. Cehe tis, ce hiwv tis, cen hopoetakuce tis nake maketskat vkvsvmvre ce yacet omis, momen vkvsvmeko witen omat, cen hehrekos. Momekv Cesvs, "Naorkv ce'stemerrusate, ce hesayeciye tetayet, ce hesayecetv vkvsvmiyes. A vc oh vtes" kicat, vkvsvmvren komet okes. Em opunkv vkvsvmeko are elesecih-cetskvs. A oh awat vtekat omvlkvn hesayece tetayet omes. Cv holwiyecetvts komet, vtetskekon omat, cv hesayeceko tetayes maketske etvpomuset omes. Laksecetske etvpomes. Nake momecares makvte momecvres komet oh vkvs-

mvs. Hiyomofvn oh vyvs. Hesaketvmese vkv-samis, vkvsvmetv ocvkan vm vnicvs. A ec'oh awat vtekat hesayecetske tetayet omekv, cv hesayecvs, kicvs.

CE HOLWIYECE HUERETSKAT EM MUNKET  
VTES.

“Cv holwiyece momvtekiyat, estomit Cesvs hv-satkusat a oh vtiye tetaye haks? Este vne amat a oh vte tetaye haks? Mehakit cv here hakofvt vtvko taye haks?” maketskē wites. Naorkv ce'n-cakusiyate, cen holwiyeckv mahusatet cen heretv tes. Nake v'mvntteces kometskat mahusatet cem vcahnat tes. “Cesvs Klist naorkvlken hesahuecvranet yvmv ekvnv vlakvtet” okv, momekv ceme omaten hesahuecvranet vlaket omvtes, “este fatcvlke tokon, momis naorkvlkē naorketv en kvpvkvren” en huehkvrant vlaket omvtet okv. Este fatcakusat sahsekos, momis pu fvtces komat sases, mv amat e enake hahyekos. Awen amat, pum munkv es svpakleyat asvwvraneyes. Naorkvlke toyet, Hesaketvmese em ahakv kvceyeyvtet omes. Hecke naorkeyat etvpomen, pu feke ofvn naorket, Puyvfekv elesecicet, Cesvs em vnokeckv pu yaceko omet svpakles. Nake estomeyat vtekat holwahoke vlket omes. Pume etavv hvsvtke e hayeko tetayuset omes. Momen, hvsvtke e omecet Cesvs a oh awen amat, svhayet omeye tetayes. “Epu'caket, nake ocetv sulecet,



naken pu yaceks" komekot, "pu'stemerhoyet, naken ocekot, pu heceko" etetayuset vwvraneyet omes. Hiyomen Cesvs a oh awet, pum estemerketvn em oh onayvraneyes. Opunvkv svhopakv opunayat, este cv fvtces kome, Hesaketvmesen vkvsamet este vpvlvv sen heriyes kicvten, opunvyecvtes ; momen este efeke kvncapuse, e torwv hvlwe vkvwvpstv enkvsvmkuse, e hokpe tepke, "Hesaketvmese vm merrvs, naorkv toyis," kicvten opunvyecvtes. Heyvt emvhlpvvtket e hute oh ayepvtes. Momen Cesvs pum merrvren pu yacen omat, matvpomen oh vpeyvraneyēs, "Hesaketvmese vm merrvs naorkv toyis" kicet. Momen cv here hakvres komet, mehakvranekot omes. Pum puyvfekcv eteropottet naorketvn esvholwakekv estomecet hvsvteceko tetayuses. Hesaketvmese Eppuce e catv tvlkuset pun hvsvthice tetayes. Pume etawv here e hayēko tetayuset omes. Cesvs a oh awayof, heraken pu hayvres. Enhvteceskv nake estomeyat Cesvs a oh vwvraneyet omes. Momekv naorka, vtes. Hvtetusat cv here hahket vtare kohmetskvs. Mehaketskis, hiyomofv 'sen here hehcetskekos. Cen holwiyeckv kerretskat 'sen heren Cesvs kerret omis "Mehakvs," makekot, momis, "Vtes," ce kicet omes. Momekv, cen holwiyeckv, cem estemerketv, ce feke em wvnhe 'somvltkusen a soh vtes. Ce holwiyece hueretskat emmunket vtes.

“MOMIS CV HEREKOT OMEKV, FVTCVN VTVKO  
TAYES.”

Este heretv oricet sases kometsken omat, cem mvttet omes. Este heretv orice sahsekos. Pal, Petv, Cane esyomat tis heretv oricvkekates. Momis Cesvs vnokeckv es fvcket omekv, pu hervkeko momis, omvlkeyan awvkes pu kicet omes. Pun naorketv es pun tvcke omecekofvn, estoman pumet 'se en tvceciceye tetaye haks? Ce herekot, ce holwiyeceton kerris, mv vrahkvn “A vc oh vtes” ce kicet omes. Momekv cv hereks kometskat vrahkvt a oh vtetv ce fekhunnihcates. Cv'lawusekv hompvko tetayes, cv'stemerrusekv vm vnihocvre cv yaceks maketske etvpomes. Ce herekatet omecicen vtetske tetayes. Momis fvtcvn vtvko tetayes maketskes. Momekv estomen vtetske tetayat, momen vtes. Cesvs, “Letket, monkat yvkapet a vc oh vtes,” maket omekos, momis, “Vtes,” makat tvlkuses. Estomen atetske estomis ce'sepvres; yopkuset, hvlket, atetske estomis. Momis holwiyeckv en kvpakiye cv feke es nokkiciyat oricvkon omes, maketskes. Esto-fvn ori hcetskekos, ohvtvlake emunkvt omvranet okv. Holwiyeckv en kvpvketvn oriceyeton pu hesahoket ohmekos, momis Cesvs elvte vrahkvn pu hesahoke tetayes. Vnokeckvn oricvkon omes, maketskes. Hvlwe-tvlofv eroretskofvn, cem vnokeckv esfvcke tares. Hesaketvmese vnokeceyat

vrahkvn pu hesaket ohmekos, momis eme epu'no-  
kecat vrahkvn pu hesahoket omvres. Vkvsvm-  
kvn ocvkos, maketskes. Mehenwv tes, mekusapv  
vtekat mekusapat, "Hesaketvmese vm vkvsvm-  
kvn ohvtvliyvs," kicvrane vlket omes. Momis me-  
henwusen hesaketvn komet, Cesvs oh hecetsken  
omat, heyvt vkvsvmkv tes ; momen, ce yekce se-  
ko estomis, mvn ocetsken omat, ce'stemerrikekos.  
Momis cv feket wvnhet omekv, oh huehkiyat tvl-  
kusat vm apohicekis omes, maketske wites. Si-  
mv Mekv kicetv en hueretv tatet cem vcahn-  
kvs. "Hesaketvmese e homv e feke herekot omv-  
tes." Erkenvkvke enke este oh wvkecakof, Pu-  
yvfekcv Vcakat este en hecken hecvtes. Momet,  
"vneu heyv yekcetv v'mvkes, momat estimvto es-  
tomen cvnke oh wvkeciyat, Puyvfekcv Vcakat en  
heckvren," maket, cvto-konawvn esfekvranvtet  
okv. Momis, "cvto-konawv ece'paket sumkekvvs,  
Hesaketvmese nake est'emat cvto-konawv es ne-  
svke tetayes kohmetskekv," Petvt kicvtes. "He-  
yv nake epu'pvketskekos, momet ocetskekos. Mo-  
mekv heyv holwiyeckv ce feke es nokkicet, en  
kvpvkvs, momet Hesaketvmese emekusvpvs, ce  
feke em vkerrickv cen kvpake wites." "Mehen-  
wusen Hesaketvmesen emekusapetsken omat cen  
holwiyeckv cen kvpakes" kicatet okvtes. Cen  
hueretv heyv 'sen holwvkeko tetayes, momat Ce-  
svs a oh vtvre em vcakhonet omvt tis. Ce feke

kvncapusen a svtes cem wicecvren. Fvtecvn vtetskeko tetaye estomis, estomen vtetske tetayat, vtes, Cesvs etv ce huericeko tetayuset omes.

‘MOMIS ENHOPOKVTE TOYVKIS OHME WITES.’

Hiyome vkerrice es ce penkvleko tetayuset omes. Hesaketvmeset, monkat hvlwe-estet, monkat Nakcokv-rakkot heyv ce kice haks? Enhopoke maketv, naketon omat, Hesaketvmese em vtotketvt omepes. Hesaketvmese em vtotketv ehkvke ocat, 'se naoricekot, ceme cem vtotketv kerkakuse ocan vfvstvs. “Nake ehkvke ocat Hesaketvmeset omepes; momis nake kerkvke ocat, heyv ahakv em opunvkvn es vfvsteyvren, punakets.” Nake kerkeko ocan wihket, kerkakan vfvstvraneyet omes. Hesaketvmese komaten momecvraneyet omes. Momen heyv ahakv kerkuset omes. Enhopokvte toyetskeks ce kicat sekot omes, momis Cesvs ece'rahkvn elvtet omen, mvn a oh vtes ce kihoe emunkvt omes. Momekv enhopokvte vkerrickv 'se naoricekot, momis Hesaketvmese nake ce kicaten vkvsamuset lypecicet momecvs. “Cen holwiyeckv omvlkvn cen kvpvken vpvlahtet, ce feke mucvsen, cem puyvfekau mucvsen hayvs. Cem vyetv holwahokan en kvpvkvs. Cen holwiyeckvn en kvpaket, Hesaketvmese em opunvkvn vkvsvmvs. Hesaketvmese Cesvs Klist oh vkvsametskof, ce hesakvres.

Vpohetskof, cen heckvres; hopoyetskofv, eshecetskvres; vnafketskof, a cen haukvres. Hesaketvmesen vnakuecetskof, emeu ecc'nakuecvres. Estimvt a vc oh aten omat, etv huerihcvkos," maket omes. Hesaketvmese ce kicaten momecetskof, ce hesakvranat tvlkuses. Ce'stemerrusofvn, este nakocv hvmket, este estemerrvlke nake vm'pohaken omat, nak sulken ehmvyes, maken omat; "vne'svc vhonkvtkakis omet okv, vpohvko tetayes," mahketsketo haks? Mohmekos; "Svc vhonkvtkeko estomis, este estomis okekv, vpohares," maketskcs. Hesaketv yuksv sekat ohfvtcv ma etvpomen vpohvs. Cv hoccfkv Hesaketvmese en nakcokv ofv escoket ome hakes? kome, 'se naorihcetskvs. Naorkv toyetsken omat, "Cesvs naorkvlken hesahuecvranet vlvkvttet omekv," cemen cen huehkes. Huehketv este omvlkvn vrvheces. "Estimvt komat uewv hesake enrahkv sekon cvwepekvs." Cesvs opunayat, "Nakcokv hesake ofv ce hoccfkv escokvkatet awepvkes," maket okekates, momis "Vtotke cen honhoyusvkatet omvlkvtt awepvkes" maket okvtes. Naorketv es cen honneton omat, Cesvs a oh atetskofv, ce hesayecvres. Cesvs a oh atetskof, ce hoccfkv nakcokv hesake ofv escokvres. Cesvs a oh atetskofv enhopokvte omen cc'svres; momis vtetskekon omat, ce sumkvres.

“MOMIS VKVSVMKVN OCVKOKV OMES.”

“Vn naorketv vn kvpakat kerrvkokv, cv hesake tetayat kerrvks. Estemerkv yuksv sekāt en kvpvke cv hesakat kerris, momen vc ofv nake fvtcv ocat kerris, makat sulkēs. Emvhlvpvtketv eshecvkepet omisem, vne eshecvkos. Penkvkv cv fvcket, vkvsvmkv ocvkot omekv, Cesvs cv’sepkis omes, komis,” maketskes. Vn hesse, nake hokkolat etemvrahke estvmahet omaten momvlkusen hayetsket omes. Vkvsvmkv opunvyecetkot, naorketv vn kvpakes kome kerre vretvn opunvyecetskes. Naorketv vn kvpaken hvlwe-tvlofv eceyiye tetayes komet kerre vretv heret omisem, heyv vkerrickv oceskis, vkvsvmkv ocvke tetayet ōmes. Naorkvt omet, Cesvs cv hesayecvres kome, a oh vtetvt vkvsvmkv tes. Vkvsvmkv eteropotten pu hesake tetayes, momis kerretv eteropotte pu hesahohkekos. Kerretv oca-kisem, vkvsvmkv ocekāt sulket omes; momen vkvsvmkvn ocisem, kerretvn ocekāt sulket omes. Perron oh piket, uewvn sakaretsken akvhopvni-ken ’se hvlatet vtarketskof, uewvt ec’oh meloken omāt, perrucen a sec’oh awhoyan here hayvkvttet omet, hopvnkeko tetayuset omen, kafvlkeu heraket, res ece’cayvke tetayet, a pum ohpikēpvs ce kicaken, mv perro vtarketskat hofunekon omvkvvt wokockvranen kerret; mv perruce res ececahoje tayāt kerret, ohpiketskes. Momis ueme-

lohlvt nafket rakpvlvromen, ce penkalet, cem penkvlvkv cem wikekon rvcake wites. Perro oh-piketskat, mvt vkvsvmkv tates, momen oh piketskof ce penkalat, mvt kerretv ocetskekat tates. Ce penkvletot omisem, perro-kafvlke penkvlvkeko naked en nokkiceko tetaye fullat etvpomusetskvtes. Ce penkalat cem vhlvpvtketv cen sumecicet omisem, naked cen nokkicvrānen omekates. Hotvle rakko em ofv etetayusen fulles. Pun naorketvt fvtcetv en hotvle rakkon akvwapes. Ahakvt en tvhiketvn 'sep'oh tenetkes. Estemerkvt a pun haukes. Momen Cesvs mv perruce omes. A awet es cem ehvlvtkv taken en kvpvkvkes, ehvperkv omes, momet vnen vm e wikkvs pu kicet omes. Cen naorketv vkerricetskat ce penkaluset, cv hesakeko tetayes kometskis, mvn em enhonret, oh vkvsametskof, ce hesakvres. Momekv e emvcahnepvs. Cesvs vm vnicekat cv sumke tetayuses komet mekusapetskat, "Hesaketvmese cv hesayecvs, cv sumkvrānes," kicetske haks? Mometon omat, vkvsvmkv es hesaketvn ocetskes; mv vkvsvmkv Pal opunvyecat, "Hesaketvmese Cesvs Klistoh vkvsvmvs, momen ce hesakvres," makvten Estimvt hiyomen Cesvs a oh aten omat, sumikekos.

#### CE MVNETTAKVKATET, A WVKES.

Apohica, ce mvnetteto estomis, Hesaketvmesen em e wikkvs. Ceme ece'rvhecusat opunvkv oces,



"Lvpke cv hopoyat es cv hecvres" maket. Eme-  
 kusvpetv cv mvnette mahes, "yvmv ekvvnv esto-  
 musis es afvckehpvres, cv homv etektvnke sulket  
 okv," kometske wites. Mekusvpetv cv mvnette  
 mahes kometskisem, holwiyecv toyet, ce'le teta-  
 yet, estemerkv akhvtvpketske tetayes. Ce hesa-  
 ket ece'culvranekis ome wites. Ceme cem mv-  
 nettetv ome pvsvtkvte sulkes. Este hopelkv ocv-  
 ken aretskat, sulket este mvnettvike en hopelkv-  
 ton hecetskes. Hiyomis elkv ce celayetv emete-  
 takepis omepes. Aeha! momekv hiyomofvn Ce-  
 svs a oh vtes. Mekusvpkv em afvcketv sahse-  
 kos kometsken omat, cem mvtte estvmahets. Mv  
 tvlkuset mehenwuse afvcken ce haye tetayes.  
 Mvnettvike sulket eshecvtes, momen, mekusvpkv  
 em afvcketvt holwiyeckv em afvcketv 'sen heres,  
 ce kice tetaye vlkes. Cesvs a oh atetsken omat,  
 heyv fvtcvton, kerretskēs. Yvmv ekvvnv em afvc-  
 ketv se afvcecice fullatet, eme em estvlke 'sen  
 heret fullekvs kome tetaye haks? A oh vtekat  
 nettv hvmkuisis yvfecicetske tetaye haks? Hiy-  
 omofvn vc oh vkvsamet, nake ce kicvkiyan mome-  
 cvks pu kicet omes. Vc vculof naorketv en kv-  
 pvkares maketskes. Momis Hesaketvmese em  
 Puyvfekcv pum vnicvranet omes. Cv mvnettof  
 Puyvfekcv-holwakaten em vtotkepiyvten, elkv  
 vwolicof Hesaketvmesen oh folotkares maketsken  
 omat, Hesaketvmese em Puyvfekcv v'mvres ko-

metske tetaye haks? Heyvt Puyvfekcv e en kv-piyecickv toko haks? Vculahke en yupv mvrahkv hakat nvcomuses. Ce mvnettoftv Cesvs a oh vtetskekon omat, vtetskekon esmunkehpe wites. Mehaketskofv, Este-nekricvt vtotkes. En svlvfke toyetsken, eswvnakv es ce wvnayatet yekcen cokcoret ayecices. Naorketskat vtekat cokcorke hvmken ohvtvlayet ayecices. Hiyomof en kvpv-ketskekon omat, ce yekceko haken, eswvnakvt yekcvke mahe hakof, estomet en recvpketskvr haks? Aeha! momekv, "hiyome ce mvnette hueretskof ce Hayvten vkerrievs." Cesvs a oh vte-tvn ce yaceton omat, hiyomof vtes. Nake cen hereko hueretskofv cem fiyatet, ce feke cen nokkof cem vhlvpvtecicet, penkvke hueretskof ece 'hecievres. Cen hesse heyv omat e enake hayeko nettv hvmkuis sumecihcetskvs. Hiyoman vteken, "Cvrke, vm mvnettetv em fiyatv toyetskes" kiev.

VCULKV METOH ETENRVWV ORICAT, MOMEN  
ECE'CULAKVKATEU, AWWKES. -

Cen nettv en hvthiyvtke hoyvnepes. Ekvnhvlwe oh onvpvn roh osset, monkat pvlhvmken rakhtapketske hakes. Pvfne hopelkv oh ayetskes. Yvmv ekvnv aretske es cen hervranaten vtotketv vyekcet, se ohvtvliyevt vtekat vkerriet assepet huerepetske wites. Momis nake kusvpke mahe ocat ce hohsates. Nake oceye seko estomis pun

heres, momis Cesvs ocekon omat, estohmekos. Cem pnyvfekcv hesakvranat, mvt nake hymke ce yacat tes. Yvmv hesake aretskat nake es cen hervre vrahkv ohrolope sulken vtotketsket omisem, mekusvpkv vfvstetv etektvnke eshecetskeko emunkes. Cem vtotketv rakke mahat vliceetskeko munkes. Momis nake etv estomeckv tokot omakes. Epu'caketot, pu'stemerruse estomis naken pun lopicekares ohrolope vnvcomusekot hoyvnof, momis Cesvs a oh awen omate mvt pun lopicvres. Ece'folotat sulket pvsvtkvtes. Ece'nakuecvlke, cen hessvlke, vpake nakcokv hecetskvte tis sulket en hopelkv ofvn lumhes. Eto em ette hayeko omen ce tahcet emetetaketskeko munken ce sumecihoce tetayisem, cem merret, ce hesayehoces. Hesaketvmese cem ehakvte hoyvnepvranusis omes. "Tahcet vwikvs, estomen ekvnv vhopane haks?" maketv opunvkv ossvranusis ome wites. Ece 'culice tis ome wites. Vn hesse, nake sulket emetetakvs ce kicet omes. Cekv esse hatke, cen yekcetv tis cen yupvklatkated emeyuksv vwolicus ce kicet os. Hopelkv onvpusan oh aretskes. Mvnettakat hesahoket etefullen ohrolope sulket hoyane wites, momis ceme ce momeko tetayuses. Lvpken hofunusekon ce'lvraret omes. Aeha! Cesvs em ohfv tceckv e homv erhueyirvke, nettv cake tis, erkenvketv tis, mekusvpkv vfvstvke tetaye etektvnke sulke mos komeko ohhoyvne-

cicvkvte vcvkaye est'ohfvtcvranat vkerricetv penkvlike estvmahets. Aeha momekv Cesvs a oh vtes. Hvse-vkerkuce hvmkusis sumecihcetskvs. Mekusvpkv vfvsteko aretskat ce feke wvnhecetskes; momis ce feke orusen Hesaketvmese em Puyvfekcv cem vnicvren em'pohetsken omat, cem momecvres. Em apohiceko hofune mahen vretskvtetot omisem, Cesvs cem punayat fekhunneko munkekv oketv hoyvneko munkes, "Vnen a vc oh vtes" ce kice munkes. Ece'nokece munkes. Ce hesayecetv emehake munkes. Momekv mucv vtekat mos komeko ahretskvs. Ra hecvs. Elkv ce'ssecat, ece'wolicuse hakes. Ohfvnceckvt eyopusan aren, estemerkvt a vcvk ares. Ce cakvkvranses. Hiyomofvn Cesvs oh letkvs. Cesvs a oh vtes. Mv tvlkuset ce hesayece tetayes.

#### VCEKELLV, CEMEU VTES.

Cesvs a oh ahtofvt, hvvm yvcekellsetskekv, cen hueretv mvrakhes. Cesvs oh ayetskvttet omekv, momis hiyomat em vhopiyecetskes. Cen naorketv rakke estvmahets, Cesvs em vnokeckv ohkerrvtet omofvt, wiketskekv. Mekusvpkv ohkerreko fullakat etektvnke 'sen heren, 'sen rakken hecetskvtes. Hesaketvmese em estvlken soh vhonkv-tiket, mv hompakaten hompet, vretskvtetot omisem, en sumketskes. Emekusvpekot ohhoyvne-cicet, Hesaketvmese em punvkau etempunayekot

oh hoyvnecicet, ehkusen vcekelletv vliceetske witvtes. Monkat nake ece'nrapat Cesvs cem vni-  
 cvre oh ayekot em e wiketske witvtes. Hiyomis  
 mekusapv omet aretskes, momis ce feke Hesake-  
 tvmese e homv herekis ome wites. Yvmv ekvnv  
 nake ocaten em vlositet aret, "Este hunvnwv es-  
 tomet yvmv ekvnvn em vlosten omat, Erke em  
 vnokeckv ohcekos," make ocat ome ce hahke wi-  
 tes. Momen mv res en hoyvnen, naorketv kerke  
 tis vfvstet, vlesketvn mekusapv en hocefkv oh  
 vlakuecetske wites. Vcekelletskekate nake hera-  
 ke vfvstetske tetayvte momecetskeko tetaye co  
 hakes. Vcekelletskate vrahkv vpvlwvt en herv-  
 keko haken, "estomiyatet cv hesakvr haks?" ma-  
 ke vpohakateu 'sen tacketsket omes. Ece'rahkv  
 vpvlwv oh merrvkvttet omvranvte, ece'rahkv oh  
 tvhikvkvten hahketskes. Momen mv res emun-  
 talat, Puyvfekev Vcakat elesecicet, Cesvs oh mu-  
 cvsecet elecetske omes. Momis Cesvs ra vc oh  
 vtes ce kicet omes. En sumecvten hopoyet omes.  
 "Aeha Eslevl toyetskat, Hesaketvmese cen Hesa-  
 ketvmesen ohfulkvs" maket omes. "Pun naorke-  
 tv omvlkvn pum vkueyiyet, merretv ofvn pu ca-  
 wvs, kicvkes. Em vcekelhoyvte em wicccvkares,  
 momet vnokecvkares, vn cvpvkke vn sumkepekv.  
 Hopoetake vcekellecvlke afulecvkes, momen cem  
 wicecvkares, merretv es fvcket omikv. Cen naor-  
 ketvn em oh onayvs, Hesaketvmese cen Hesake-

tvmeſe vnaorketſkvtet. Aeha! hopoetake vcekel-  
lecvlke afulecvkes,” Heſaketvmeſe maket omes.

Heyv opunvkv herakusan vkerrievs. Eppuce  
yvmahkv svhopaye Ceſvs opunvyecvnton vkerri-  
evs. Mvcahnetv ’ſen here ce yace tetaye haks?  
Ceſvs en ſumketſkvtetot omiſem, hvtvm a oh  
vtetſke tetayes. Enhomv ce’ſetv vkvsamvte etv-  
pomuses. Momekv vcekelle hueretſkat fekhun-  
nvs. Heſaketvmesen ohfulkvs, “eſtomen ce’lv-  
rane haks?”

NAORKV ENHONRKV OCETSKEKATE, CEMEU  
VTES.

“Heſaketvmeſe em merkv vne vc vrvheceks,  
eſte vpvlvvn vrvheces, cv holwiyece mahekv.  
Etektvnke vcahnetv ſulke ociyvte moſ komvkot  
oh hoyvneciciyvtes. Heſaketvmesen vnrapit,  
nake vkerriciyat cv fekeke tetayat vfvſtiyvtes.  
Merkv vne vm oceko tetayuses,” maketſke wites.  
Naorka, apohievſ. Heſaketvmeset opunayat,  
“Cen naorketv cahtakuse eſtomis, hetote en hvt-  
ke ome hakvres,” maket omes. “Heſakiyat etv-  
pomen, naorkvlke em elkv eſ afvckvkoſ, momis  
rafulecet heſahokepvren. Afulecvkes, afulecvkes,  
eſtomen ce pvsvtkvranvke haks? Naorka, apo-  
hievſ; “Ceſvs Kliſt e catvt naorketv omvlkvn  
pun hvſvtécet omes.” Naorketv omvlkvn, mo-  
mekv cen naorketau cen hvſvteces. Apohievſ;

“eme eteropotte Hesaketvmese a oh awat vtekat omvlkvn hesahuece tetayes.” Momekv cemeu ce hesayece tetayes. Naorkvlke 'semevpayv tis hesahuece tetayes. Momekv cemeu ce hesayece tetayes. Tewe este elecvtte tis. Petv ohkerreko eokicvtte tis, horkopv eto-teweklepkv oh vtarkvte tis, sulke elecvtkes makakvte tis, Pal mekusapvlke vnrapv huervte tisem, omvlkvt hesahokvtes. Momen mv hesahuecvtet cemeu ce hesayece tetayes. Naorketv vn kvpvkeko tetayaten vfvstiyvtes kometske haks? Naorketv en kvpvketv vkerricetskatet mv vfvstetskekat kerkueces. Mv naorketv estimvt vfvsteton omat, estofvn en kvpvketv vkerrihcekos. Nakcokv-rakko pumonayat, estimvt en naorketv vrahkvn efeke es nokicen omat, en naorketv en hvsvtkvres; momen estimvt merretvn hopoyen omat, eshecvres. Momen Cesvs opunayat “Estimvt a vc oh aten omat estomvten etv huerihcvkos” maket omes. Momekv naorkvt en naorketv en kvpvkvren komet, Cesvs a oh aten omat, naorketv en kvpvkeko tetayat vfvstekat mvn es kerreyes. Hesaketvmese momecares makvte vrahkvn, naorkvt hesaketvn komet, Cesvs a oh aten omat, em merrvranat tvlkuses. Naorka, afvckvs; sumecvten hesahuecvranet Cesvs vlakvtes, momekv cemen ce hesayecvranet vlakvtes.



NAORKV MOS KOMEKO ARETSKATE, CEMEU  
VTES.

Hesaketvmesen vnrvpet—elkvn pvnfen oh ayet—estemerkvn akhvtvpkvranskat—mos komekot aretske haks? Apohica, yvmv ekvnv nake ocetv kome 'se naorice em eyuksv seko vpokvranat mos komekot vkerriceko fullat toyetske haks? Vpo-  
hetv este penkvlecuse tetaye Cesvs vpohvten vkerricvs. “Este hunvnwvt yvmv ekvnv omvl-  
kvn e enake hayehpet, momen em puyvfekvn su mecicen omat, naken en lopice tetaye haks?” Este sulket ykvvpaket vpeyet, afackakuset, pvk-  
pvke tis mvmaket vpeyet, vkeleften roricet omat, hvmkvntot a aklatket pvsatken hecetsken omat,  
“Fekhunnvks, fekhunnvks! cen hesaketvn vrak-  
kuecatsketon omat, afulecvkes” kicetskeko teta-  
ye haks? Heyv emuntvlece estvmahen oh ayets  
kes. Uchuse totkvt ce'levn ahaukes momat mos komekot oh ayetske haks? Cesvs a cen huehkat,  
“Afulkvs, afulkvs, estomen ce'lvrane haks?” ce  
kices. Momis penkvkv hecetskekos. Ece'fvcket,  
vn hervres komet, aretskes. Uewv tis vkelefte  
a latkat oreko munkat heruset fihnes. Matvpom-  
et cen hueretv omes, momen estemerkv yuksv  
sekon raklvtkvranskes. Vketecvs, estemerkv  
en fenke ofvn er ce tvkvhonehce wites. Oketv  
hoyvneko munken e vhonecicvs. Cesvs cem vni-  
cetvn maket omisem, mos kometskekos. Mos ko-

metskekot omisem, penkviken hueretskes. Cen hesaketv vtekat penkvikes. Estvmvn aretske estomis, ce huden liketskis penkviken hueretskes. Nettan nake vfastet aretsken, nereton nocet waketskis penkvikv ece'nakuecuses. Nake cem ohvtivke heren, ece'rakkuehocen, estos komekot aretskis, cen hueretv penkviket omes. Yvmv ekvuv em vtotketv 'se afvcecicet, holwiyeckv tis vfastet vkerrickv es sumecicetskis; cvpvkktv, elkv, estemerkau em penkvikv ofvn hueretskes. Aeha! Cesvs oh letkvs, mv tvlkusen vhesakvke tetayes. Hesaketv vyetv ahauke hauke munkof, vyvs, hofunekon akhotkehpen, ehvperkvn vnafketsket okv.

HIYOMOFVN VTES, PVKSE YEKCE MAHVRES  
VTETV.

Hvtetis mucv nettv etvpomusen holwiyeckv en kvpakvkes kometske wites. Heyv vkerrickv penkviket omes. Nake tewoluse pohetskat cem vkerrickv oh fekhunnicekot, mos komeko ce hakes; mekusvpkv matvpomet omes; pohetskis vfvstetskekon omat, hofunat mos komeko ce hakes. Cesvs opunayat, "hecvkes ahauken vhuerit, vnafkis," maket omes. Erkenvketv, nakcokv, opunvkv, este em vkerrickv, nake este pohat efeke en nokkicusat tisem okes vnafke makat. En hake pohetskat ce feksumecicetot omisem, akvwpiket

a en hauwecetskekon omat, pvkse hvtvm pohetskat mos kometskeko haket, ayecicen hofunate pohetske seko ome hakes. Mekusvpkv vrakkuecu-svte, hiyomat mos komekot, lvpecet, emvhlvpatkuse tetayet, estemerkv pvfnen oh vpeyat sulkes. Naorka, hvse-vkerkuce hoyanate vtekat hesaketv em vhopiyecat, mit ayecicetskes.

Hopiye mahe uehvtkv tvpalvn cvtokelefte rakkot oces, momen mvn fuswvt kayaket omes. Este mvn vhesahokepat sases. Este hvmket hvmkv fuswv echustaken yvhcet arvtes, momet cvton ckvnvn tvkcvkhehcet, fvkvn vlvcehcet, mvn vtvriket akhvtapkvtes. Momen mv fuswv echustake ocan vwolicet omis, oreko tayet, svyulasket ohkueket ayet cvtokelefte mv echustake ocat rohhuervtes. Momis mvn rohhuerof, sehvlvtkvten recvpiken, momusen fvkvn en kvpakvtes. Estometv kerre sekates. En hueretv estomahvtes. Elecv fvtecv uehvtkvvtvl estele-vhopakv cukpe sulket en sufke tates. Momen onvpau estomet vcemkēsko tayvtes. Munkv heyvn hueret, elauko elekon omat, mv vkelefte-rakkon a aklvtiket, wokociket elvranat tvlkvtes. Momekv fvkvn tvlkuset em vhesaketv tates. Momen mau vyulaske munket vtvirken hecvtes, momis fekhunnet aye munkvtes. Momusen em vkerrickv hvhyet, mucv yvwolicen omat ohtasiket 'se hvlvtares, komvtes, momekv hvtvm yvwolicof, ohtasiket, momusen mvn vcem-

ket, ayet rossiyeť hesakvtes Estemerkvt oces. Hofunekon elkvt ce sumecicvraneſ. Momisem ce hesayecetv Cesvs ece'nakuecuset omes. Vnen es cem ehvlvťkvñ cv hayvs ce kice munkvt omes. Mv tvlkusen em enhonrvs. Vkvsvmkv es hvlvťvs. Hvlvťetvñ kometsken omat, cem mvtťiyekos. Momen ce hvlahtet hvlwen seceyvres. Momisem hvse-vkerkuce ohhoyvnecicetskat vťekat, penkvľkv, momen a oh vťetv en yekce ohvťvlaket aye-cice munkvt omes. Hiyomofvñ Cesvs a oh vťes.

HIYOMOFVN VTES—PVKSEN KOMETSKEN  
OMAT, OKETV HOYVNEHPE WITES.

Hvtetusat Cesvs a oh vťares kometske wites. Feleks makvťe omen "Hiyomat cem vyetvñ vye-pvs, oketv etektvñken ociyofvt, cen huehkareſ" maketske wites. Mekusvpkv vťvťstekot ohhoyvnecicetske munken omat, estofis svľvfken ce hue-rice tetayet Este-nekricv kerruset omes. Hesaketvmese opunayat "Mucv nettvñ vñ punvkvñ pohatsken omat, ce feke wvnhehcatskvſ; hecvkes mucv nettvť hesaketv nettvť tes." Momis Este-nekricvt a cem wvswakes, "Mucv nettvť tokos, momis pvkse mimvťſ" maket. Hiyomofvñ emet e epake hayepen omat, cen nettvť vpvlwv omvľkvñ Hesaketvmesen em wíketskvrſ ce kices. Acha! heren pvkse vkerricvs. Naorketvñ en kvpvketv e yacekat vrahkvť omekis, hvteten en kvpvkareſ

kome, ohhoyvnecice em oketv res yukpoyatet sumecvte sulket omes. Pvkse kome vkerrickvt este sulken estemerkv sakhvtapkvtes. Cv nokkofvt mekusvpares kometske wites. Momisem es'te nokket wakkvkofvt holwiyeckv en kvpvketv etektvnkeko mahat tes. Cena nokketvt tayen, monkat cen hoporrenkv tis sumiken, naken vkerriceko tetaye hahket wakketske wites. Enokhokofvt holwiyeckv en kvpvke okicakvte tisem, em vhlvpatkofvt enhomv fullvte 'sen hoyvnet mos komeko hahket fullat sulket omes. Holwiyeckv en kvpvketv mehenwusat tokot omvtet okv, pvsatkvten omat sumecvnt omes. Enokketv ofv naorketv en kvpvketv enhonresko tetayuset omes. Momis oketv heyv omat cakkekis esmunkehpe wites. Hvse-vkerkuce contkuisis cem etektvnkekis ce'le wites. Mucv nettv ce cvfeknuszvte tis, pvkse ce'lepet wakketske wites. Hesaketv ohhoyvnecicetske haks? estofvn ce'lvranat kerrekofvt. Naorkv ce'stemerrusate, ce'lvranat tvlkuses. Estofvn ce'lvranat kerretske sekos. Mucv nettv tis omepe wites. Pvkse naorketv en kvpvkares komet ohhoyvnecicetskes, momis pvkse estemerkv yuksv sekon erohretske wites. Mucv nettvn Cesvs vnafkes, momisem vkerricvs, pvkse elkvtnvufike wihtes. Cen hesse here mahaten topvrvn huericetsket omisem, elkvtnv ohcehyet, lvpken ec'ohfvttcecvn sec'oh ayvres. Mucv nettvn Cesvs a

oh vtes. Mucv nettvn ce hesayecetv vkvsvmes. Hvlwe tvlofv em ahauke mucv nettvn haukes. Pvkseu kometsken omat, oketv hoyvnehpe wites.

VTETSKEKON OMAT, CE SUMKVRANAT TVLKUS.

“Naken estomiyat cv hesakvr haks?” “Hesaketvmese Cesvs Klist oh vkvsametskof, ce hesakvres.” “Naken estomiyat cv sumkvr haks?” “Heyv vhesaketv rakke ocateu vfvstekot,” e enake hayekot aretskofvt, ce sumkvres. Pu sumkepe hoyanekv, naken estomekis fulleye tetayes. Cesvs pu hesayecetvn makes; momis em apohicekon omat, pu svpvkletv emmunkuses. Hesaketvmese em opunvkv-herv tvlkuset pum puyvfekcv em enokketv em wicecet omes; momen mvn e enak’ hayekon omate, holwiyeckvt pu pvsvtvres. Horkopv toyet, este elecv toyetskat tvlkusen cem puyvfekcv sumke tetayet ohmekos. Holwiyeckv kerkvke vfvstetskeko estomisem, Cesvs a oh vtetskekon omat, ce sumkvres. Heyv opunvkvn vkerricvs, “Heyv hesaketv rakkan ayvmahken omat, estomet emvnttepeyvr haks?” makaten. Hesaketvn e enake hayekon omat, pu pvsvtkvranat tvlkuses. Cesvs tvlkuset puyvfekcv hesayece tetayes. “Momen etimv ofv hesaketv sekot omes, sutv elecv nake hocfkv etv estome vhesakvke tetaye este emhoyvte sekokv.” Aeha, naorka,

Cesvs e enake hayetskekön omat, ce'stemerkvranat tvlkuses. Momen cem estemerketv rakke estvmahet omvres. Hesaketvmese nake momecares makvte momehcekos kometsken omat, cem mvtte estvmahet omes; mome enhonrkv hayetv ehvperkv omes. Cesvs a oh awayat tvlkusan pu hesakvres, momisem momekot, e enake hayekot, vrakkuecekot fullen omat, pu pvsvtkvranat tvlkuses. "Huehkiyvtes, momis apohicatskekatet okv, vneu cem estemerketv vpelicares, cem penkvkv vlakof ecepenlicvkares. Momof huehkvkvres, momis em ayoposikvkos; cv hopoyvkvres, momis es cv hecahkekos; Hesaketvmese em penkvkvvn e enak' hayekot, vm punvkv vfe Krakkekot" fullakekv. Aeha! naorka, heyv cvpvkktvn emvnttepv. Hiyomat Cesvs e sakpvvn rvtosecet hueres. Ahtet, hesakepv, ce kicet omes. Em merkvn e enak' hayeko ahretskvs. Cen naorketv, cem estemerketv estomet, cen hueretv tat emmunken hiyomofvn a svtes. Estofvn etv ce huerihcekos. Cesvs a oh vtes. CESVS A OH VTES.



## CESVS A OH VTARES.

“Vc oh vtes,” cv kicetskes;  
 Ce catv vm pvlatkvten,  
 Mv tvlken 'punvyecit os;  
                   Hesayecv, atis!

Ec'oh atis, vn 'yvfekev  
 En holwiyeckv omvlkv  
 Ce catv hvsvtecet os;  
                   Hesayecv, atis!

Cv'stemerrus, cv hecekot,  
 Vn 'yvfekev en heleswv  
 Ceme ofvn eshecvret,  
                   Hesayecv, atis!

Cv nvfhokis, hueriye 'munk's  
 Penkvkv sulket cv nafken,  
 Cv feke nokkuse emunk's;  
                   Hesayecv, atis!

Vm munkusen, cv'setskvres,  
 Holwiyeckvn vn kvpicvs,  
 Cem punkvvn 'kvsamikv;  
                   Hesayecv, atis!

Ce'nokeckv kerkekatet  
 Ce'nrvpkv omvl' lekafes,  
 Munk' cenak' toyiyat tvlkus;  
                   Hesayecv, atis!









Ayer

. PM

991

. Z77

H35

185E







AYER

~~huskoki~~

27

